

淮海英靈集
七





淮海英靈集

七

阮元輯



中華書局



淮海英靈集

於

震字亦川·號秋水·本籍鎮江丹陽·久居泰州·遂入籍·工詩古文·乾隆乙酉·南巡·召試二等·秋水雅好騎射·性情豪邁·時人以徐文長比之·卒年五十四·

昌化大溜歌

唐昌地軸盤天高·帶以古縣羣山包·山泉萬道向空落·奔騰爭赴錢塘潮·灘迴石出鼓其勢·盤渦往往妨行橈·我來三月水正發·行船半在山之坳·於潛魚潭五六里·晝抵半道來中宵·撫膺悵然坐不樂·蒼茫萬緒紛煎熬·舟人倚舵向余笑·君乎乃未經風濤·前途咫尺達大溜·令人涉之朱顏凋·乍說與君或不信·明發鼓勇看吾曹·半夜枕邊萬雷發·地維割斷天根搖·熊咆兕鬬下沙岸·百谷競沸千崖號·披衣欲起脛骨顫·倏忽篷背掀陰飈·馮夷怒鞭雪山立·排空倒瀉星辰漂·中流巨石列奇鬼·挺戈壁立爭相鏖·纜夫挽船觸石上·擺磨無計凌巉嶮·巉巉船頭仰天泊·魂魄坐臥懸猿獠·晨風吹水勢益烈·崖根反走迎船梢·舟人衆呼負船起·一聲大叫窮青霄·晝然船騰浪腹出·忽登天上相招搖·俯視萬檣短於筴·浪底猶自喧羣舠·始信舟人不余誑·買魚沽酒酬其勞·我昔扁舟過三峽·巫峰十二煙嵐銷·杳然徑渡無所苦·胡爲人世傳喧嘩·祇緣杜老擅高咏·意氣遂與山川豪·此灘雖險頗奇特·涵虛亦自瑩秋毫·匣岸崩崖插天秀·可作雷雨與螭蛟·奈何道路隔僻遠·千秋記載空寥寥·酒闌泊船獨欹枕·綠窗彷彿語山魈·偶聞君言故相慰·名

勝安得終藜蒿。乾坤夷險境不一。聲名顯晦隨其遭。精靈歲久必有託。君言毋乃太牢騷。焉知造物非有意。遲汝萬壑幽光標。

張將軍贈白紵歌

江都白紵白如雪。齊紈魯縞輸皎潔。鮫人夜織貝闕空。軋軋龍梭走江月。天孫一見驚絕奇。拍格一聲機上裂。令人持向市閒買。一市寒光動毛髮。今我六月來吳陵。曼膚束帶尤苦熱。安得數尺製短衣。有賣直拚生產折。將軍一騎江都來。相與談笑開襟懷。隨指平頭俾擎出。蛟皮匣瀉光醴醴。滿堂涼風起蕭瑟。橫翦一幅江波開。海天昨夜青女降。隨風亂落霜成堆。羲和無言赤帝泣。日車躡躡翻天陔。賓客坐者爭起立。電光欲掣青天雷。將軍弱齡便簪仕。秋風一鶚南天起。同時兄弟垂金貂。曉入甘泉侍天子。鐵衣扈從獵上林。一箭射殺兩青兕。與酣下馬賦新詩。大具南金光滿紙。中黃虎賁皆歎息。衛霍當年寧及此。牙旌節鉞正有加。野服翩然返田里。結交遠近皆鴻儒。置酒高歌未有已。自憐兩奏明光殿。千言下筆如飛電。功名往往與仇謀。每到垂成忽中變。諸公袞袞釋青袍。義冠命服眞英彥。歸帆六月江水寒。依然短褐還鄉縣。市兒相遇笑且憐。斯人大抵長貧賤。將軍高義胡爲哉。寒暄推分無嫌猜。倘然贈我錦繡段。不衷之服翻爲災。特命良工勤愛惜。紉之滅盡鍼線跡。修短旣稱熨貼平。從此清風生兩腋。何以報之發長謠。永爲好兮服無斂。

遊金山

到此非無地。憑空大塊浮。龍宮開絕島。鳥道出懸流。城郭天南壯。兼葭岬北秋。吾身何處著。長笛起漁舟。
江上秋風起。蕭蕭落木多。天根連海沒。山勢帶江過。關塞通牛渚。波濤下鵝河。歷朝爭戰地。設險竟如何。
妙高臺畔立。黃葉滿寒臯。水氣青天溼。江光白日高。風濤飛畫鷁。鐘鼓起潛鼉。浩蕩關生事。臨風落彩毫。

舟次富春

十里春江路。推篷倚夕陽。波濤欺石勢。城郭走江光。對酒鰲魚賤。迴舟杜若香。何須問身世。聊此足清狂。

謁少陽陳先生祠墓四首

兩宮消息正茫茫。廟算徒聞罷李綱。不信九關司虎豹。獨留三疏動風霜。衣冠白晝悲東市。松柏青燐照北邙。過客漫增桑梓感。里居從古說丹陽。
霓旌南渡幾時歸。遺廟悲風捲繡帷。草野詎干興復計。公卿無那諫書稀。九重忌諱關廷諍。兩浙倉皇憶布衣。往事祇今餘涕淚。豐碑殘照亂鴉飛。

寧計功名上鼎鐘。結纓易簪本從容。封章昔已羞臺省。姓氏今猶壯辟雍。罪己尙傳如綍語。綿田空繞若堂封。漫言哀痛絲宸念。忠武仍看卹典重。

開氣從來應列星。祝融猶自避精靈。空傳野燒驚棲桺。仍是忠魂走電霆。

乾隆庚申。祠不戒於火。已而劉廬廓然。髮眉如故。通邑傳爲異事。

練浦牲牢喧社鼓。棲霞軒冕哭冬青。千秋得失應須辨。萬壑寒煙擁翠屏。
喜友人從軍

匹馬西風出漠關。十年雄略鼓聲閒。箭傳青海雕迴陣。戈枕黃沙月滿山。塞外功成餘健骨。江南秋老入蒼顏。據鞍且喜尋常事。應佐元戎勒石還。

汪平倩

以字行。號青門。儀徵諸生。著有青門小集一卷。乾隆癸酉序刊。

白沙翠竹江邨次韻八首

蕭疎門巷鎮常開。曳杖提壺任往來。好景十三收不盡。昔人曾此詠千迴。
耕煙閣後徑初通。度鵲橋邊水闌風。行近漚磯還小立。深林闌出海棠紅。
翦蔬耐可向山蹊。何事牆頭過炙雞。閒抱一壺聊藉草。簌簌深處夕陽西。
春至無端客思迷。關關幽鳥喚高枝。風前幾許閒情在。最惜尊空燭跋時。
漠漠陂塘綠漸肥。林閒時有一花飛。春光已是如流水。芳草斜陽怨不歸。
見山樓與白雲連。樓外垂楊起復眠。曾入蒼茫舒望眼。我家亭榭在前川。
兀坐深宵對一燈。十年荒落歎因仍。野情卻比閒鷗鳥。肯學蒲團入定僧。
平生結想是扁舟。空外何方十日留。魚子蘆芽正初出。傍園東去卽芳洲。

榮園

小泛當長夏。晴空一水涯。竹深停棹處。岸闊過橋時。鳥散荒園夢。人吟舊雨詩。李穆人先生。有扁舟白髮開來。往。惟有當年舊夕陽之句。夕陽如有意。相傍綠陰移。

吳山伍相國祠

心事當年亦大難。殘碑讀罷撫危欄。亡臣一夜頭空白。寶劍千秋血未乾。廟貌尙依煙栝冷。精魂長駕雪濤寒。只今獨有巖前月。越水吳山一例看。

江

字玉屏。號雲漢。舊居杭州。移籍儀徵。工填詞。爲王蘭泉少司寇所甄錄。有宋板金石錄。因題其齋曰金石錄十卷人家。著小齊雲山館詩鈔。詩錄集共若干卷。

次方介亭韻賀吳梅查移居

苔花砌草共縈紆。景物移人不可孤。試茗客梅烹雀舌。入簾風自捲鰕須。短籬漸欲編新徑。小閣旋添訪舊圖。管平原爲梅查寫移居圖。好待海桐秋結子。夜深看放赤光珠。梅查舊居。有海桐一株。今移植新遷齋中。

題惲南田雪景卷子

劈斧峰皴點凍苔。同雲黯黯掃難開。置身如在茗華館。親見南田運筆來。右丞宗派認無差。詎獨人誇亦自誇。指上荒寒能染出。不圖翦水作飛花。萬點梅花一塢雲。玉壺天地淨塵氛。丫叉挂起簾齊捲。添得春寒到十分。

隱約頽垣古寺紅。松欵肥處正漫空。因風逼緊還吹散。粉箭枝枝縛小弓。

悅枝堂坐雨分得八齊

萬條銀綫縮來齊。檐瀑紛紛看欲迷。乍喜綠添新竹葉。最憐紅濺落花泥。半規池面跳波急。一角窗陰壓座低。漸覺涼生衣袖上。呼鐙且盡玉東西。

漁菴

四面闌干一鏡圍。落花汀草各因依。閒中只合吟魚具。佳處猶欣坐釣磯。紅藕香生無暑到。白鷗浴罷趁涼飛。年來絕似天隨子。逢著烟波便不歸。

蕉聲

熱惱全消勝座談。綠天清響靜中參。招風六尺如身樹。聽雨三更種紙菴。休展愁心相向訴。恐驚客夢只孤諳。破窗人歇琴徽後。一片先秋韻已含。

潘純鈺

字雅堂。號懷甫。甘泉人。乾隆辛丑進士。授刑部安徽司主事。督情配實。故詩筆鴻整有節。卒年三十有七。著懷園詩集四卷。

題汪少岑雪夜試茗圖

百道泉寒萬木枯。空山寂歷有誰俱。天公要與清詩骨。一夜飛花入竹爐。

早春泛湖

地僻春偏到，談深客忘還。花香全著水，人影半登山。天氣釀春冷，我心隨境閒。行窩如可置，長此掩柴關。
晚坐

雨霽夕陽明，林深暮靄平。蛛牽隔樹網，蟬續過牆聲。隨意花先發，無心雲自生。坐看纖月上，孤咏不勝情。
茶菴小憩

中春天氣更清和，翠堵封泥屋覆蓑。十里草煙吹不斷，菜花風裏一帆過。

游文園孝女賣卜養親詩

鬱鬱原上樹，上有反哺鳥。盈盈閨中女，獨與父母居。父母夕不殮，女也涕如雨。妾身非男兒，何以謀釜庾。外無強近親，內無儻石儲。只有胸中字，一字一靈珠。常見兒負米，未聞女賣卜。妾心苟自安，擇術何嫌獨。結束初出門，行行重徘徊。徘徊不敢返，父母朝苦飢。茫茫人海中，鹿鹿凡幾輩。精誠感行人，側席爭問字。得錢告父母，父母喜更悲。豈期一日養，仗此小女兒。春風懷繡街，秋雨垂楊道。每蒙長者憐，詎免狂且擾。女亦不畏擾，女亦不受憐。但祈親腹飽，何損女節堅。初猶詫爲奇，久乃歸以孝。理真數亦奇，實至名非釣。名流載彤管，絡繹遞詩筒。匪惟美其始，亦願成其終。我思孝女心，如鏡復如石。如鏡察毫芒，如石韞貞白。我思孝女行，如松復如萍。如萍暫飄泊，如松長亭亭。

輓顧年伯母

元秦·顧·文子進士之母·鳳毛
副貢之祖母·兩世皆母爲授經·

孝女詩·爲金樞亭國博所徵·後
國博爲之媒·嫁士人·得其所·

韋母紗幮比絳帷。早通經義析羣疑。一門自足師兼友。四德能全孝與慈。集古文章因畫荻。循陔樂事到含飴。暮年忽灑西河淚。愁憶蘭窗授讀時。

薛廷吉

字鶴人。號滄莊。儀徵人。太學生。乾隆丁丑。召試二等。工書。巨幅細行。皆臻妍妙。詩善聲調。乾隆乙卯卒。年七十六。

冬月過金陵承恩寺花雨樓與東臯上人話舊

前值炎蒸後苦寒。四年兩度客長干。壬寅夏日寓此。奇荒已過欣無恙。蕭寺重逢且盡歡。書信別來殊未達。燭花夜翦幾經談。一回相見一回老。白髮應憐此日看。

夏日集潘氏南園分得山字

江上名園水石環。偶招詩客共追攀。啼殘紅藥鶯聲老。吟到綠陰客意閒。通港小池初漲雨。過牆新竹半遮山。不妨歸路斜陽暝。喚得輕舟載月還。

壬子春寄懷阮伯元宮詹

七載蕪城別緒牽。每瞻雲樹各江天。青年君已登廊廟。宮詹年二十九。白髮予仍守硯田。天子宣來嘗賜札。玉京望去儼如仙。倘能退食餘清暇。盼寄魚書拂碧箋。

知遇君恩特達殊。宮詹大考。擬列第二。上親覽摺第一。仙郎標格比瑤瑤。風流謝眺才猶昔。清操王恭世所無。春靜木天斑管蘊。秋高平野角弓羅。玉符絳節爭相待。會看星輶出上都。

鄭

字晴波，號風人，儀徵人。明鄭紹宗之元孫。乾隆壬午舉人。乙酉南巡，召試，授內閣中書。尋轉典簿，出任福建巡撫。寧府同知，提溫州知府，調杭州，進浙江督糧道。因公被謫新縣，援免後，恭遇慶典，給五品銜。

乙卯卒。生平學杜詩最深，嘗刻杜少陵全集，勘校精美。所著有玉卮草堂詩集二十卷，夢餘集一卷，鷗鷺集一卷，詩餘二卷。

蕪嶺

山行盡紆折，勢若蟻磨旋。盤盤入煙嵐，微露白一綫。是時孟冬初，草木未衰變。窈如蒙密中，丹翠照表面。偶與來峯迎，忽增去林戀。急雨何處鳴，溪流急奔濺。幽通睡蛟宅，可聽不可見。臨崖一咳唾，空洞駭雷奔。層陰稍披豁，夕陽半荒甸。青蠅雜游蜂，暖聲觸搖扇。頗謂氣候殊，已覺心目眩。計程指仙霞，三日諸嶺偏。夷途信難得，孤遊敢辭倦。前登始巉巖，飛雲集如霰。

楓嶺

詰旦辭霞關，薄暮越楓嶺。危途極蜿蜒，深谷轉荒梗。時當積雨後，行衝溼雲冷。斜景無停暉，迴巖有虛警。遠從雙峯罅，稍辨隻堠影。巉巖欲崩石，兀兀最高頂。我登力已疲，我僕力猶猛。俄凌百丈梯，忽躡九仞井。中休勢疑墮，蓄銳思一逞。攀援雜藤葛，杳靄惑畦町。霜林如美人，絃服不尙裝。又如韶顏翁，觴罷春醅酹。頗憶風雷朝，振響落懸壑。感時輒驚暮，念別益含哽。蠻天夢不到，海嶠路多迴。苦辛伴僮奴，棲遯愧箕穎。何由免崎嶇，垂堂日三省。

陳無軒廣文 焯碧浪湖圖

西泠橋畔浮槎客。

張芭堂

興來自暑烟波宅。幽人所志在流水。苔上陳君同此癖。陳君愛畫兼愛詩。湘管齋

中羅典冊。數椽舊榜玉湖西。明鏡秋涵天一碧。今觀此圖大清遠。所謂伊人真咫尺。徵君之筆太守贈。文以記之。慨在昔。不知何地更塵紅。堪歎吾儕總頭白。憶昨乘春湖上遊。峴山蒼蒼日將夕。眼驚浴鳥下沙洲。手接飛雲入帆席。烏程獨酌不成醉。鼓枻懷人愁思積。三年奔走溷泥塗。夢落風濤付陳跡。刻上誰攄載雪舟。永嘉畏著登山屐。如君尙欲老蘆中。而我寧甘久形役。結鄰垂釣願他年。待畫雙鷗傍溪石。

雨中有述

露下涼生大火流。三旬水宿感淹留。河聲送雨過沙市。山翠橫烟入柁樓。楚客懷歸終戀闕。美人經別易傷秋。紅塵自有棲閒地。誰遣行藏愧白鷗。

舟中感秋

江上西風吹鬢絲。一株楊柳一相思。美人自古傷遲暮。秋士頻年賦別離。團扇夜涼花發後。尺書天遠雁來期。仙霞不自蓬山路。回首孤雲有雁隨。

追和同年施鐵如侍御過訪寓齋夜話並送別之作

楚客垂垂老。燕臺草草過。秋聲連日夜。邊夢落關河。暖眼逢人少。離憂自古多。非君今夕話。誰與慰蹉跎。過寶應縣寄懷少林王四都中。

別來如一日。到此忽相思。秋雨白田道。孤帆黃葉時。文章同末路。江海失前期。雞黍青山約。何年共一卮。

聞同年趙璞函。歿於四川軍營詩以哀之。

西望蠶叢路。年來羽檄飛。君行空萬里。身死在重圍。報國文章盡。封侯事業非。他時看掃穴。誰唱凱歌歸。

鄱陽湖口晚望

鄱湖襟帶古南州。對此茫茫我欲愁。天入斗墟懸翠釜。江蟠坤軸下黃流。新洲坐占鷗鳧宅。晚穫憑誇荻葦秋。爲問大姑何處是。亂山無際暮烟稠。

施朝幹

字培叔。號鐵如。儀徵人。乾隆癸未進士。由禮部主事。歷官郎中。御史。太僕寺卿。宗人府丞。典試山東。視學湖北。性廉介絕俗。居京師。轍車羸馬。罕遇賓客。卒於楚任。貧不能喪葬。所著有陵陽集四卷。自謂在宛陵學詩於張相先生。集名陵陽。志地也。晚年之詩。有鈔本。在其弟子今嘉興守伊小尹湯安處。將梓行之。其官御史時。屢上封事。元。欲爲之作小傳。向其弟求行略。尚未得也。

舟夜

一帆霜氣落。津鼓報嚴更。遠火深無影。空江靜有聲。溪山內史宅。草木謝公城。辛苦念行邁。林猿故故鳴。

文信國祠

江抱真州水一方。宋家丞相尙祠堂。孤城警急留三日。大業艱難望二王。燕市南冠殘月落。吳山白鴈故宮荒。可憐刺史芝。李公庭精靈在。泉下相逢各斷腸。

呈李司民先生

先生早歲歌西川，蠶叢鳥道相鉤連。光生壯歲在鄉里，白沙洲上臨揚子。揚子一帶江流東，執筆弔古才何雄。天失渾敦怒飛雨，鬼憎襄伐魂呼風。平生常慕太史令，夢想直與英靈通。世人貴古輒自賤，忍使七尺成沙蟲。惜哉先生時不利，三十蹉跎貌憔悴。假館雖無知己恩，幽居肯下窮途淚。王侯將相皆有死，著書立名豈非智。春華汗漫城南亭，雨霽不盡峯巒青。落景下垂石礚礚，蒼苔遠接煙冥冥。此時賤子命如螢，席門獨坐持一經。爲公歌罷倚青萍，咫尺龍氣開滄溟。

奉寄張雲湖先生

宣州疊嶂鬱嵯峨，宛水曾看十載波。謝朓裁詩今不見，虞翻知己意如何。過江春色愁中少，繞屋梅花夢裏多。漢治方思二千石，休令十月老煙蘿。

過峨眉院

流水不可住，孤雲行未還。峨眉院中月，已照江南山。理白獨遊悟，心隨清夜閒。他時結茅屋，相對一開顏。

上王鳳喈先生

天輪運真氣，靈海東南流。翔陽出其中，耀景連九州。神鳥鶡火精，載舞軒轅邱。一舉入青雲，奇文垂大猷。稟德自爲貴，逍遙奚所求。哀彼籛離鷄，曉夜紛啁啾。炎靈購六籍，殘闕沿暴秦。康成特晚出，著書良苦辛。名理非空虛，訓詁一體存。餘波演寥闊，儒術分戶門。

賢者生盛世。稽古誠殷勤。鉅細靡不舉。張皇發精神。祭川必先河。萬水歸一源。因窺希聖意。踴躍不能言。

舟中望西山

西山阻折靈禽集。擁棹當山畏風急。朝氣橫生遠水波。紫雲飛落秋衣溼。幾年孤館夢烟樹。舉首頻驚木葉寒。此去東南山色好。低回猶作鳳城看。

影園圖

園爲鄭超宗先生別業。其址在今天寧門外。乾隆庚寅。先生元孫內閣中書漢。請王選心宸作圖。且爲余述當時文酒讌集之盛。爰賦此詩。先生名元勳。明進士。

草木蜀岡外。雲霞隋苑邊。滄桑古如此。圖畫一凄然。末造崇禎代。商歌淮海天。死生驚倉卒。園圃憶回沿。

書帶授經始。板輿將母年。玉句名堂臨洞達。灤翠亭名倚幽偏。山水垂楊遠。黃低遠近延。人瞻董公額。董文敏以

水影柳影之閒。署曰影園。興發米家顛。谷口躬耕好。長安置驛傳。揮金旣遊俠。投轄必豪賢。亭訪無雙址。詩題第五泉。

吳橋范文忠公。劉吉水劉修。真灑落。晨夕永周旋。佳話春深後。名花洛下先。姚黃郵未進。李白句能妍。月旦虞山

褒風華粵嶠巔。瑤光留彩筆。金罍映瓊筵。園中多名花。每當春時。芳勝一邑。有黃牡丹花。香光照灼。尤甲于衆。

狀元。衡泌棲遲賦。乾坤板蕩篇。水嬉停別館。兵氣慘幽燕。孔廟麻衣哭。江關羽檄遍。毀家招勁旅。守土控

鳴弦。義憫王庭湊。城完魯仲連。儒生終報國。衆口異防川。盤錯丹心苦。塵沙碧血漣。高傑在揚州城下。縱兵

貴以大義。傑歟。兵五里外。而揚人疑先生黨傑。遂戕焉。一官身寂寞。諸老涕潺湲。俯仰里閭換。規模陵谷遷。國殤啼磴道。鬼火送原田。

景物嗟陳迹。風流想舊編。涼颺北牖底。疎雨赤欄前。結構疑無路。攀援儼望仙。迴廊曾飼鶴。放艇或如蓮。

先生自置小舟
·狀如蓮·

良會空銷黯。遺蹤且靜便。閤馮渺臺榭。園之旁有閤氏馮氏諸園松楸閑戈鋌。曲沼鳬頻浴。修堤驢自眠。

樵翁感登頓。詞客弔嬋娟。文獻辭苦冷。忠貞瓜甌綿。元孫悲手澤。徽省夢南阡。繪事同寮擅。秋豪妙理宣。庭階冰雪積。襟袖芷蘅鮮。忽訝荑灣轉。相將蠟屐緣。蕭聊仍子夜。點染但蒼煙。卿黨生何晚。羈孤疾豈痊。招魂向空閣。展冊惜連遼。丞相梅花嶺。陪京燕子箋。薰鑪他日恨。褻罰後人權。諡法今須補。江村願已專。會當尋斷碣。三歎奏冰絃。

七里瀧

川途易迷復。急瀧回吐吞。風止諺所忌。箭馳茲莫論。初秋媚遠色。久立緬清源。嘉樹凝夕嵐。幽禽戀朝暾。撫化情偶屬。懷賢義靡諼。赤伏驗符瑞。客星明邱園。平生歡未移。高尙志彌敦。石瀨遺芳蹤。文藻競空言。孰毀中興烈。而云布衣尊。引棹仰棟宇。奠漿羞蘭蓀。庶將濯塵慮。坦步棲衡門。

錢塘江

靈隱山漸平。津闊天忽轉。三折證圖牒。萬感續蛾繭。臥聞行侶呼。起視榜人喘。殘夜覺曙遲。中流愛風軟。豈伊揚子廣。未接潮頭剪。春秋吳越異。先後胥種顯。怨結世已遠。神徂跡安辨。苦疑縈舊想。因物及遐眎。盤桓或象屯。貞吉終濟蹇。占雨非豕躄。登車任牛踐。但期應同聲。聊用慰游衍。以上二詩太僕在京師時曾書箋示元

過鄭晴波寓齋夜話

一別生涯變，重逢旅夜過。幾年經白髮，匹馬渡黃河。家室湖山遠，文章坎壈多。天街雞莫唱，堅坐感蹉跎。

寄伊小尹寧遠

關門遼水右，憶子束征初。忽忽二十年，凝睇懷縈紆。爲邑復臨州，惻黎皆晏如。以茲守天險，疇弗欽王鉅。官閑人吏稀，游泳觀詩書。遯聽情斯豫，嘉覲時尙需。天涯有同心，且勿傷離居。遐思草昧日，燐火連榛蕪。高陽不可留，隄塞將安圖。登臨發慷慨，世運推驅除。落筆埽末流，長歌臨當塗。黃雲海上起，飛度轡無間。願攀絕頂松，雙鶴交踟躕。小尹續學工詩，所著五言古體，尤爲超詣，余嘗謂其意趣淵深，氣格高古，在阮嗣宗、左太冲之間。乾隆己酉，余以自訂詩集，郵寄遼西。小尹復書曰：先生此集，裁擇太嚴，如江上碧山轉，南朝春色來，神味逼眞盛唐，而集不載，恐此外應存者尙多，余感其意，取舊藥亡嗣者，重加檢錄，爰識於此，以見小尹與余，相愛之深也。

顯同根

字蓮溪，興化生員，其弟仙根，寄詩入錄。

壬寅二日秦郵客館寄懷趙九蘭癡北上

春雲沈寂晚登樓，煙景蕭疎半似秋。甃社一天寒食雨，黃河千里故人舟。紅侵書帙桃花落，綠鎖山房草色幽。正是黯然深別恨，孤燈應復夢揚州。時家兄客揚州。

癸卯春客揚州延禧堂咏玉蘭花卽贈主人

煙凝碧草籠晴沙，小閣迴廊旭影斜。春識主人先到樹，客如好雨自催花。芳心十日寒餘藥，玉面初開淡正華。會入瑤臺分一座，品題天上有仙家。

江

泳堂·號賦廬·通州學
生·著有角西詩鈔一卷·

寄范迦陵

晚春遊興短。節知閒。蹋江鄉共所思。斷碣荒涼。披宿莽。名箋錯落。闢新詩。風開北牖。眠初穩。樹挂西蟾。醉不辭。別後曾經平水市。幾人村校讀微之。

幽居

家住東灘東復東。兩行榆柳十梧桐。春林鳥喚溜枝雨。秋墅簾垂獵葉風。放浪焉能傲齊賢。頽唐只合號吳蒙。賣漿屠狗英雄事。殊勝雕蟲老篆工。

秋夜讀書有感

門掩秋風落葉深。短檠殘帙耐披吟。自憐住世少閒趣。何待到山生隱心。幾點暮鴻才北嚮。一鉤新月又西沈。流光只解催人老。醉臥霜鐘動遠林。

寫懷

清歌白眼狂夫態。鍛竈蓼牀處士情。小閣水邊延野綠。暮鴻天外寄寒聲。文成弊帚誰珍惜。交剩殘星半滅明。恨不移家江口住。煙波深處訂鷗盟。

徐錫爵

字景叙·號弁江·通州人·乾隆庚寅舉人·著有弁江詩鈔七卷·

聽羅兩峯說鬼歌

荒林葉碎飛乾雨。霜壓紙窗燈欲死。坐客吟秋悄不言。虛帷獵獵悲風起。天寒夜黑無人聲。一時銷盡熱中情。相對此閒惟說鬼。舉杯爲屬江東生。生先衆客竦而立。閃閃秋燐雙眼碧。欲說未說蕩我魂。四座爲之皆斂息。山阿薜荔西陵煙。撫卷追思常颯然。矧君手口作圖繪。紛如百怪羅其前。老魅怒啼出深樹。陰雪迸裂毛髮豎。突兀猶疑欲趁人。驚心直到無形處。懨懨更假殘粧面。迎夜窺人時隱見。一縷游魂慘不收。泱泱水月白成片。有時雨灑青楓梢。陰房鬼族潛相招。新大故小倏而至。燭之曾不爽秋毫。吁嗟乎羅生之舌如鑄鼎。羅生之目懸如鏡。直向虛空寫幻形。百年一視幽明境。剪燈話竟羣無譁。空堂人影相周遮。雄雞口噤不能唱。夜半荒原聞鬼車。

邗江夜泊

水邊燈火城頭月。城裏清歌水面簫。十里樓中春鬪酒。二分月底客停橈。鐘殘法海星初轉。煙鎖雷塘夢未消。料得耽吟狂御史。玉鉤斜外太無聊。

吳廷燮

字調玉。號梅原。如皋人。生於香。附集一卷。白下集一卷。癡餘集二卷。

駱義烏墓下作

武墨亂唐綱。禍寧呂雉埽。義義狄梁公。宛轉顏容悅。倡義始義烏。一呼振疲沓。先聲激五王。雄才冠四傑。

鐵鑊雖挫。金輪膽已奪。椎秦子房心。蹈海魯連節。史臣昧茲義。兵起由失職。遂令反正功。千秋蒙汗鑊。我來荒岡游。懷古捫斷碣。生已痛流離。死猶遭播越。見五山志。燐燐化碧痕。恐非生平血。江湖從西來。萬里濺飛雪。唐寢俱烟灰。安問臨朝孽。日暮聞梵音。嗒然忘言說。

渡江

揚子江頭落日昏。白沙洲外怒濤奔。曾分南北橫天塹。直抱蛟龍下海門。羌馬投鞭成底事。樓船橫槊竟誰存。何人偷擲龍吟笛。細雨斜風斷客魂。徑翦滄江趁晚晴。楚天低處浪花平。欲吞縹緲三山影。猶帶興亡六代聲。雲樹不分揮扇渡。人煙漸近石頭城。更思坐聽新王鼓。蓬腳英風颯颯鳴。

青溪曲

妾家青溪灣復灣。朝朝暮暮聽潺湲。誰道郎心似溪水。三十六溪如玉環。郎如青溪水上鷗。朝飛開口暮江頭。儂如青溪水中塔。影落波心不更流。

魚復浦八陣圖

當年三顧起隆中。灑落君臣一體同。遺蹟猶存夔子國。扁舟直破楚王風。魚鳧路近春波闊。蛇鳥秋高夕照紅。回首永安何處是。寒蕪落葉晚濛濛。

沔陽八陣圖

高平故壘擁風雲。傳道當年此定軍。假使功名終八陣。不應天地有三分。夕陽社鼓神雅散。暮雨長林杜宇聞。指點山頭祠廟在。擬持清酒薦夫君。

課春堂聽羅兩峯說鬼

我昔官渡晚停舸。雨歇秋田出鬼火。又嘗獨宿呂蒙城。夜半啾啾聞鬼聲。鬼聲曾聞鬼火見。幾曾真觀狎。獐而揚州羅生方兩瞳。自云曷見常如電。課春堂上夜筵收。請生說鬼生曰善。五人列坐圍書屏。一說再說肌粟生。維時月黑天無星。空廊風葉走而鳴。殘燈瑟縮細如豆。石根林際紛有形。欲動不動杳冥冥。坐客舉手戒勿云。生猶口沫流津津。或云生具如來智。慧眼鳩盤無處逃荒幻。或云視之不見聽不聞。如生所云非正論。生也不語日常證。坐客紛挐終莫定。我語坐客客勿囂。雄雞剪夢蒼天高。

陳荆璧

字玉山。號石帆。儀徵人。乾隆庚寅舉人。有石帆遺集一卷。

月夜過資福禪院

幽若無塵靜夜過。眼前好景夜如何。風生樹杪鳥呼侶。月到潭心魚跳波。半偈幾人聞惠遠。空花一夕證維摩。相逢漫說三生石。清磬聲聲破睡魔。

弔通妙丐者。卽次原韻。

波回島嶼逐雲流。誰被飢驅老此州。飯後鐘寒山寺夢。市中簫吹海門秋。有才作鬼應題葉。無地爲家不首邱。漫說如公終餓死。驚人詩句幾曾休。

石

字正也。號養齋。如皋人。增貢生。考授州同知。善畫。法王龍壺。著有詩藥一卷。

琵琶亭

蹤跡頻年漢水濱。思鄉懷古鬢如銀。青衫莫漫悲司馬。我亦天涯淪落人。

石

字信也。號省齋。如皋人。歲貢生。候選訓導。以子貴。贈奉直大夫。

唐家埠感懷

寂寞江村暮。香醪漫自斟。百年隨逝水。萬事託孤砧。雨滴堅秋意。蛩吟碎客心。殘燈明復滅。展轉夢難尋。

石中寶

字汝執。號鑑齋。如皋人。由貢生例授布政司理問官。歷試關中州縣。

自題小照

每訝彈丸速。惜惜四十年。生涯詩酒裏。歲月髮毛邊。不惑慚先哲。無聞愧後賢。半生何所事。回首總茫然。

戴綬年

字梓萱。號綸門。甘泉諸生。居仙女廟鎮。所著有稻香亭詩文集四卷。乾隆癸巳年刻。

飲金陵城北酒家

路轉清涼山。山椒出茅舍。青旗搖疎槐。幽花被紅榭。清風穿地來。冠服頽然卸。主人出拊客。邀我傾玉甌。

山肴雜然陳。村釀碧堪瀉。曠達懷古人。誰是長年者。仰而眺西城。悠悠夕陽下。

九日涵虛閣登高

烏帽欹斜學道裝。仙樓一眺總蒼涼。孤雲細蹙秋潮白。雜樹初翻夕照黃。此日雅懷聯舊雨。十年吟鬢怯新霜。籬花手探知多少。頻向樽前看絳囊。

蒲葵扇歌

赤龍銜燭金石愁。松篁高閣聲颼颼。南熏忽向綺窗動。蒲葵小扇清且幽。典午太傅謝安石。渡江第一真風流。碎翦秋江一片綠。丹心向日和綢繆。齊紈魯縞空圖麗。青蒲何事先迎秋。夷甫玉手誇映座。清談坐笑傾神州。元規之塵那可障。咄嗟三窟誰所求。大臣有功在社稷。法物豈必懷商周。仁風一扇通廣漠。酷烈迅掃驅火牛。隱囊紗帽視公事。冰壺玉鑑懸當頭。

故明史相國墓述事

揚州城北梅花嶺。

一死何難殉烈皇。偏安猶欲固金湯。登壇已恨中原蹙。跋扈其如四鎮強。漫道旄頭持虎節。可堪天上下龍驤。麻衣點點孤臣淚。埋向桐棺對女牆。叔寶何曾解誓師。文山慟哭向江湄。頻歌司馬春燈曲。竟折揚州大將旗。嵩嶽暮雲留浩氣。陪京玉樹翦旁枝。宮車一出昭陽冷。愧煞英雄入地時。

兵餉蕭條總莫論。秋霜兩鬢陣雲昏。趙高久已窺秦璽。寇準翻教臥北門。梅嶺沙場留碧血。蔣山寢廟有歸魂。休言社稷終無補。冰鑑應知到九原。
小朝廷莫恨東周。忠烈恩頒祀典優。剩水殘山空昔日。夕陽黃葉自千秋。騎箕直擬臨柴市。走馬誰傳到石頭。細剔青燈緝信史。星辰耿耿照邗溝。

讀陶淵明傳

彩鳳翔天衢。孤鴻飛杳冥。況彼知機士。觀變能不深。淵明在晉末。孤陽靈重陰。豈以彭澤官。而與禍患鄰。大盜竊神器。寧爲晉遺民。挂官如脫屣。躬耕歸邱園。濁世全羽儀。折腰非所論。

泊瓜渚

長河達瓜渚。帆落柳城西。山晚白雲出。雨晴青草齊。地從淮甸折。天入海門低。數問蘄王廟。英風在水犀。

旋元益

字春堂。甘泉諸生。居仙女廟鎮。與戴梓驛。沈西疇爲詩友。著有迎青書屋詩鈔一卷。乾隆時人。

望秋山

山遠白雲盡。江南點翠微。遙知幽絕處。秋色伴僧歸。樹杪幾峯出。泉聲一道飛。依依愛螺髻。不用歎斜暉。

題秋江蘆鴈圖

荻花洲畔影參差。雲路歸來飲碧漪。離卻畫圖何處見。昔年秋夜渡江時。

吳 林字蘭鼎·江都廬生·

自楚旋揚州別汪丹麓江益堂諸子

來時春色到將離。半載羈遲客欲歸。珍重一尊簾幕下。菊花初綻蟹初肥。

汪 盦字中也·汪嗣之子·一字雪樵·江都人·精於鑑賞字畫·

淨香園卽事

岸影橋痕日易斜。菱荷彌望綠陰遮。畫船散盡煙波冷。剩有風裳伴月華。

金台衡字石樓·儀徵生員·能詩工書·子章·采輯其詩爲清華閣遺草一卷·

吳陵客舍感懷

小閣留孤客。清燈獨自挑。將歸人更苦。不寐夜無聊。酒伴城邊鼓。秋心海上潮。轉蓬風切切。何以慰今宵。

簾下

一派瀟湘影。金鉤傍曉懸。雲沈粧鏡裏。雨暗酒杯前。燕子窺人去。狸奴對客眠。最憐春寂寞。香度落花天。

題王春潭白門訪舊圖

冉冉江雲薄欲開。小航輕趁夜潮來。調箏樓上人依舊。柳亂風疎又一回。

王啟心字藥里·號留耕·甘泉布衣·住邵伯鎮·著吟存二卷·

感事

數尺韓衣雪滿顛。短檠殘帙可終焉。老爲棄置不才木。寒託淒清應候蟬。面目人如千里隔。情懷我似十年前。餘生欲脫塵囂累。慚媿簞瓢有薄田。

張廷楫

字汝舟。號厚菴。一號竹屋。甘泉諸生。住邵伯鎮。工書畫。

雨霽

農務齊三月。郊原歇雨天。平蕪下積水。古木響春鶯。墅遠雞豚逸。村深草樹連。壺觴就野老。應共汝陶然。

張

孺。字茹禾。號耐村。甘泉諸生。住邵伯鎮。著有聽鶴集。

鬻女行

貧婦提弱女。女年方六七。云是農家婦。丈夫患羸疾。家有汙邪田。秋霖不結實。翁姑共垂老。死生莫可必。四口相依倚。區區此女一。此女賣與人。願得布一匹。但求此女飽。追恤及後日。布作翁姑裙。重重線縫密。此是孫兒身。仍令常在膝。

採蓮曲

艾陵湖畔香風起。映日荷花十餘里。誰家女子漾輕舟。採得雙蓮心暗喜。馬上鮮衣停玉鞭。相逢只隔綠楊煙。漫誇蓮似佳人面。看取紅蓮似白蓮。

巴

繼字鳴岳，號晚晴，江都諸生，著有晚晴詩存一卷。

吳興署中

暑退才清快，秋來又感傷。大都緣作客，一半爲思鄉。蕉雨驚詩夢，桐風冷酒腸。遲姓攜蠟屐，須到弁山陽。

文

熙字元恭，江都人，國學生，著有周易註，金陵遊草。

樊川道中

仍是樊川去日津，石橋東望總無垠。半帆雲影不依岸，一片煙光遠趁人。村舍尙留新水跡，桑麻無復舊時春。可憐只有僧房在，遶殿疎籬鎖綠筠。

丁書玉

字又松，號菜田，泰州恩貢生，著有見竹軒詩鈔。

觀海樓待月步仇霞村韻

滄海收殘照，危樓聳碧虛。窗開人望遠，雲淨月來徐。清影何圓澈，塵襟盡滌除。新詩俱皎皎，硯水滴蟾蜍。

丁拜恩

字澤遠，號熙莊，東臺縣諸生，著有寸草軒詩鈔。

暮春

風動疎簾少客過，亭亭日影下晴莎。衆芳搖落清樽外，卻悔經旬醉未多。

汪

中字容夫，江都人，乾隆丁酉拔貢生，多聞強記，舉所誦書若流水，雄於文，鑄鑑唐書，成一家言，詩學盛稱，參以金元，好金石，嘗得漢石闕畫石，以五十千從寶應昇歸，尤精史學，自言深于春秋，生平多諧謔，凌

韓時輩。人以故報之。然於嘉定錢詹事大昕。金壇段大令玉裁。高郵王給諫念孫。歙縣程孝廉菴田。未嘗不極口推崇。嘗爲顧炎武。胡渭。梅文鼎。閻若璩。惠棟。戴震。作六君子頌。足見其謙已樂善也。年五十。卒于杭州。所著石渠通典三十卷。春秋後傳二十卷。述學四卷。又選周宋以下衰豔之文。爲傷心集若干卷。容夫死後其孤子甚穉。元就其家求遺書片紙不可得。惟得其述學于浙中。卽爲刊行之。其詩亦絕少流傳。今之所錄。皆非傑作。俟訪得再爲補錄。

代白紵辭

開帷纖纖行且卻。輕軀細步風前弱。玉腕凝香素綃薄。蒲桃金卮爲君酌。朱顏暈酒目生光。橫波送笑流滿堂。善知人意樂無方。金環散珮明月璫。曼歌掩袂迴人腸。百年今日安可忘。

長槐青青桂華碧。清江月出歌管急。四座沈吟意綿脈。紅燭參差倚寶瑟。迴袖香生動薌澤。芙蓉露落沾人衣。勸君深杯君勿辭。五更漏促城烏啼。明日相思君不知。

辛卯三月二十一日夜。和黃仲則。

景仁

叢薄風生窗浙浙。夜火欲盡作青色。病客獨坐毛髮立。鬼適何來太相逼。颯然雨落林鳥啼。空堂曳草行來遲。終夜作索心然疑。天明向壁塊然臥。與汝相守能幾時。

雜詩五首

羣居共晨夕。志好同衣衾。豈知歡愛日。終非可恃心。長路無停軌。江河阻且深。宿昔遠遊志。徘徊空至今。孤鳳息池潢。翠羽含風弱。中逵荆枳生。露下桐花落。長閨丹山采。假仰爭餘啄。本無千仞翔。不敢怨蜩蝻。

零露漸野草，漠漠朝欲稀。日出城隅路，清風吹我衣。窈窕秦川女，厭浥獨行時。朱顏發光澤，灼灼映晨暉。徒懷抱柱信，相逢終自疑。不惜千金佩，何因通我辭。寸心一不諒，枉負桑中期。

鶴脰不可斷，鳬脰不可續。物性有自然，何爲苦羈束。雲泉自高下，魚鳥翔相逐。本無百年命，安危同所欲。栖游非一途，微生各自足。

初日照高樓，飛軒交綺疏。佳人挾鳴瑟，當戶理華裾。坐惜傾城貌，十年常獨居。悲風激幽響，行路立踟躕。不爲感人耳，清歌聊自娛。

吳叔元字思堂，號金山農，儀徵人。工篆書畫，晚年客死如阜。

初秋過竹香堂

西風白露下庭除，酒興詩情大不如。偶值米顛書畫舫，嬾尋徐孺水雲居。魚灣烟靄日將夕，射圃秋梧葉又疎。幾許清言見滋味，白頭心性本樵漁。

陳邦材字宗旦，號乃人，通州石港人。天性孝友，篤學早世，著有十尺樓詩集。

廣陵道中

廿四橋頭鼓棹歸，一鉤斜月影霏微。曉風楊柳人吹笛，春水桃花女浣衣。四馬遠分邨樹去，孤禽閒上墓田飛。泠然何處鐘聲動，多恐繁華好夢稀。

沙重輪

字廷載·號明生·通州石港人·乾隆戊戌進士·授禮部主事·尋卒于官·

曉發山東道上

勞薪輓輓豈能停·催起征塵客未醒·茅店半扉侵曉月·荒村孤樹落殘星·山連東海無閒土·柳帶青齊有

驛亭·此地行人須記取·將來知復幾番經·

李岐

字鳴山·號參堂·性游俠·以老拳名·淮海推爲第一·然其狀有儒者風·

妙香林臥病

百計難安一病身·天涯幾度落花新·琴書換作爐中藥·風雨留爲客裏春·窗破有聲疑出鬼·燈殘無影欲拋人·五更乍聽樓頭磬·頓悟三生未了因·

曹德南

字斐邠·號野叟·通州國學生·

喜晤馬鞍山湧濟上人

兩世交情切·相逢話昔時·薰風吹舊雨·苦茗潤新詩·寺僻羣塵遠·山深歲月遲·蒼松參翠竹·綠滿不乾池·

陳詩

字亦唐·號逸齋·江都人·乾隆丙午鄉試·年踰八十·欽賜舉人·丁未·欽賜翰林院檢討·

次劉廣文漁浦秋夜書懷原韻

兀坐空齋裏。閒翻歷架書。碧湖凋葉後。紅蓼放花初。劇飲如無限。聯吟愧不如。煙波容我覓。欲訪釣臺漁。

顧鳳毛

字超宗。號小謝。興化人。父九苞。通經學。尤深三禮。中憲隆辛丑進士。卒。超宗受祖母教。十一歲通五經。嘗作文地理。禮樂國風諸論。和鮑參軍行路難詩。時人奇之。十八。應童子試。經隔闕成數千言。諸弟

子員。家貧歲歉。力養祖母。甲辰。應南巡召試。欽取二等。中戊申副榜。超宗于進注疏義。不爲異同。惟彙記博覽。棟宇先儒之學。然間有議論。未嘗不精核簡雅。服服衆心。卒于揭州。所撰楚詞均考。入聲均考。毛詩集解。董子求雨考等書。皆未成。求其詩藥不得。惟得甘字錄之。

寄盧紹弓先生

江水千尋碧。蒲帆十幅裁。思君似明月。夜夜渡江來。

邢楷

字端士。甘泉人。讀詩應童子試。幼孤貧。舌耕養母。能竭其力。乾隆甲寅。母病瘵沒。楷以衰毀亦沒。年二十一。鄉人以孝請旌。詩有至音。所存惜不多也。

篠園芍藥詞

綠徧琅玕翠不分。到來喜作問花人。短牆三面周圍護。聚得揚州四月春。似鏡湖光一道斜。重重門戶也清華。誰教神女三千輩。化作欄邊萬朵霞。

董祥齡

字致和。江都生員。年三十二卒。

藏菊

朝來屈指近霜天。忍把繁英傍野田。暖開好園三徑雨。紗幮深貯一籬煙。應教隔歲香猶吐。莫遣殘秋影不懸。謝絕詩人休更訪。與花已結靜因緣。

沈宜蒲

字貝黃·號健堂·高郵人·乾隆己亥舉人·著有健堂詩鈔一卷·

擬韋蘇州幽居

人生曷不樂。但緣塵網糾。榮達頗足怡。亦以增憂患。何以臥南窗。逍遙無早晏。林森響清音。鳴鳥隨時換。微風吹青山。浮雲靜中看。採藥任所往。野人行結伴。幽居一無事。何由生煩惋。

沈荊漳

字廷璣·號少學·一號東田·高郵諸生·家有園亭·可供觴詠·嘗作春草詩·一時傳誦·著有少學詩鈔一卷·東田春草詩一卷·

吾家東陽公立宅。東田矚望郊阜。嘗爲郊居賦。以見志。余城東有田二頃。意欲誅茅於此。以盡餘年。顏其室曰東田精舍。

無求何必歎蹉跎。只愛村居樂事多。茅屋十間都繞樹。稻田百畝更臨河。鰕籠蟹簍藏蘆葦。豚欄雞栖護薜蘿。風雪滿天蒸飯熟。妻孥相酌醉顏酡。

東莊卽事

筍輿朝出郭。落日到東莊。米貴春醪薄。年荒麥飯香。夜燈羣守望。春雨各耕桑。及早修農具。今秋卜歲穰。

甓湖漁唱

甓湖湖中港汊通。甓湖湖邊葭菰叢。舴艋幾家湖上住。生小打魚今作翁。半畝湖田賦卜居。家家被訂聚茅廬。浮生只合煙波老。偶入城中爲賣魚。

茅塘港接燒香港。姜望湖連七里湖。不種桑麻不栽稻。不知徭役不輸租。
露筋祠畔藕花田。吹得香風上釣船。落日幾人收罩去。一聲長笛破溪烟。
池而噉嚼魚食萍。有時戢戢過沙汀。午餘繫艇柳陰下。山雨欲來溪水腥。
散髮逍遙曳短衫。耿侯祠外數歸帆。官堤來往無相識。自署煙波釣叟銜。

程贊普

字一亭。號曼斯。令延季子。儀徵廬膳生。工詩古文詞。每小試。輒爲學使所賞。生平和易。無疾言厲色。爲于交友。緩急必爲之盡。年三十而卒。英靈集徵詩之初。曼斯任搜訪並勤。旬月得詩藥百餘種。旋以病沒。殊可惜也。

倚樓

樓開收霽色。徙倚又斜曛。遠樹如平薺。歸雅入亂雲。詩從閒裏得。春向雨中分。久識身爲客。行藏何足云。

東齋讀書

忽忽春已深。悠悠人事隔。豈曰謝酬應。地偏本少客。飽食恥終朝。游心賴典籍。豈惟破寂寥。亦以廣資益。寓目輒了了。稍焉難記憶。于此識衰鈍。智慧非疇昔。是日庭花開。細草漸成碧。飛絮拂簾櫳。好鳥窺几席。卽事堪娛懷。天機任動植。把卷發清吟。弦月挂林隙。

村行

離邊杏花紅。門前柳葉綠。感茲植物榮。益覺流光速。晨起向東菑。散步清溪曲。郊原土脈滋。家家吐黃犢。

協風未幾時。農事紛在目。伊余稼穡依。五值年登穀。幸得免饑寒。所願差已足。歲有口腹安。居閒雖大陸。一補爾風吟。牀頭酒初熟。

種柳

爲欲成陰速。偏於種柳宜。才移三四樹。便有萬千絲。遲日留鶯轉。無風倚檻垂。空庭嘉樹少。藉爾拂新詩。

秋帆

十幅欣無恙。秋風一夕催。側衝涼鴈去。峭逼冷雲來。紅蓼岸旁卸。青楓江上開。何當霜落後。小挂剡中回。

送秋

惆悵西風又送行。流年催換客心驚。可堪宋玉悲秋意。并入江淹賦別情。黃葉滿身人獨立。碧雲無際雁長征。怪他鏡裏清霜影。一縷青絲染易成。

病中作

六十韶光轉眼空。漫驚歲序太匆匆。春歸雨裏兼風裏。人在愁中又病中。變幻可能同夢鹿。升沈空自望歸鴻。浮生如寄真難定。休問成都賣卜翁。

淮海英靈集

王

彬字子野·寶應人·順治丙戌舉人·官德興縣知縣·

過喬侍讀縱棹園

先生別業畫川東·橘刺藤梢取次通·喜有篙添春水綠·頓教人羨酒船紅·沿堤鶯語調歌舌·隔岸鷗羣狎釣筒·我亦湖山蓑笠客·吟詩肯許一舟同·

李

震字蒼雷·號箕竹·高郵諸生·性疎豁·喜結納·攻古文詞·著有芝園初集·櫻果集·駢體文集·扶餘詞集·若干卷·

詠雪用歐陽公聚星堂體次恆兒韻

律轉陽尙邇·雪降陰仍羣·屏翳相固結·飛廉爲慙恩·輕颺初霏霏·急洒漸洶洶·湮山深谷夷·填海層冰涌·散漫本無心·縈迴如旋踵·繚亂窗撲蟲·鋪排箔棲蛹·凌空屋角欹·委地牆根擁·千門積若封·萬瓦平如隴·巧投罅隙盈·密塞川途壅·飢獸埋爪牙·窮鳥落毛毳·高卑渾一轍·方圓肖萬種·六出鬪梅坡·三白兆麥壟·占祥云年豐·謹微絕陰寵·皎潔比心清·栗烈增骨竦·曹風色擬麻·郢曲聲邊拱·山覆一簣成·獅蹲百獸恐·撒鹽逞佳思·烹茶滌煩冗·照耀物類瑩·輪封林木腫·金井任堆麪·天山難刻珙·紅飲酒力減·白戰詩才勇·閉戶高士臥·掃徑豪客詢·或有絮披肩·或有履穿踊·或有紫貂溫·或有金樽捧·景象豈殊遭·苦樂隨所奉·

獨睇老眼眩，更覺雙耳聾。婦病縮同蝟，孫餒啼學燕。微吟余後殿，險韻兒前脩。飢寒世事輕，倡和天倫重。拂素濤箋光，呵凍墨池溶。五字展競病，一斗傾醕醑。狂歌詩復成，醉掃筆多聿。二子若游揚，侍立程門拱。

李必豫 字中州，高郵人。震長子。國學生。工詩。與弟必恆齊名。

敬和家大人上元集讌韻

寒家樂事一番新，列坐咸依長幼倫。到眼忽驚逢令節，團圓今喜作歸人。月輪爭比燈光燦，酒盞潛回藥碗春。時兩堂上初痊。自是吾家饒韻事，也將魚目混珠珍。

李必恆 字北嶽，一字百樂，高郵廩生。品端學富。於詩古文詞無不工。益肆力於詩。其論詩曰：作詩必論境地。苟著有三十六湖草堂詩集。卒祀鄉賢祠。沈歸愚宗伯云：南邱宋中丞。選江左十五子集。後皆名位通顯。而李丈孰多以諸生終。且耳聾多疾。年止中壽。何其厄也。然詩格之高。才力之大。可久者應讓此人。事久論定。所得果耶。

淮之水九章 美治河有戾也。康熙三十九年。皇帝命兵部尚書四川張鵬翮。來視河事。越二歲。危堤屹若洪波。首命築高堰以障淮。復命濬清口以刷黃注海。要領既得。成命是釐。而張公果能左規右矩。不失寸尺。且以清慎勤敏之才。蒞衆帥屬。百司凜凜。喻乎其志。各履乃職。用底大勳。微張公無以副上意旨。而非臺上人知人善用。上能克成厥功。禮福兆姓。使無波臣之患乎。臣生長澤國。櫟自今。幸得佚居飽食。沐浴光化。而又覩見廟堂之雅頌。垂史冊。竊比康衢之擊壤。俾誦者想見唐虞三代之盛時云。

淮之水其流湯湯，有濶斯沛。以儼我皇，黃之水其流湔湔，有湍斯激。疚我南國，帝省南土，是究是圖。矜此憚人，孰詘爾居。帝曰：翻來，欽哉女治，詢于有衆，則惟女宜。

張公受命翼翼其行。公豈異人。百慮一誠。于河之濟。于淮之涘。于邑于野。亦旣勤止。有截者堰。皇曰瑾之。有澌者淤。皇曰濬之。匪棘匪紆。皇有成命。孰是不翼。而息庶正。乃哀其旅。有噏斯濬。築之埤埤。積之磻磻。如石之鞏。如墉之隄。彼驕河伯。則莫他敢齧。相彼清口。惟黃是滌。孰阻闔之。翳砂礫之積。其辟其汰。其剔其抉。如彼建瓴。呀豁以達。淮之壯矣。式廣以舒。黃之迅矣。四溢以趨。匪黃之趨。實淮之驅。旣導旣入。言歸其墟。維昔之邑。魚所都。維今之澤。民厥居。維昔之產。蒲與葭。維今之植。麥與禾。匪維禾麥。亦有稂莠。旣立室家。亦有酒與脯。

帝曰。翻來。女庸朕多。淑旂綏章。錫命有加。翻拜稽首。祇不敢受。天子之功。天子之壽。

二婦詞

大婦工珮璫。小婦勤酒漿。酒漿豈不美。未若珮璫長。
大婦進珮璫。雜珮聲鏘鏘。小婦進酒漿。酸醎不可嘗。

元墓探梅次韻

人語雜花氣。衣巾沾妙香。連柯高士墓。禿幹贊公房。喝盞浮清碧。吟箋擘硃光。庾樓清興發。傾耳聽洋洋。
阻淺毗陵城下三日。撥悶成詩。兼懷邵丈子湘。

長河水落高兩崖。千艘阻淺撥不開。駢頭銜尾連日夕。帆檣卓立同麻蕭。運租船高截流住。意欲買水歸。見太僕文

姑徘徊。長年橫笛色閒暇。忽復筦爾遭其哈。歸舟何意宿留此。誰爲盡力挽且推。有時乘隙爭道進。不覺櫓折篙掛摧。水窗徙倚聊縱目。嫣然薄怒喧吳娃。吁嗟我生薄祿相。進退尺理則該。險巇世路合齟齬。此天意耳寧人排。官船幸饒仁祖米。勤買鵲鴿供燔煨。惠山清醪不難致。如斯小住亦復佳。所憾辭家值秋杪。國火條已更檀槐。夾岸人家競祀竈。請鄰釀飲空坊街。倚閭嗟予季行役。布衾未贖吁可哀。長房縮地乏奇術。尻與臂馬徒談諧。昏鴉啞啞掠而過。矯翼一似驕吾儕。亟思舍此更遄陸。歷碌書簞裝連轡。去魯出晝匪我比。桑下三宿奚爲哉。常州太守解人意。羽箭傳令火迫催。更聞官舫打路過。萬夫助叫爭噴脰。身輕陡覺舟蕩漾。眼明喜見波瀾洄。開頭振舵解簾纜。高歌一聲歸去來。布帆得風更張王。去豈亦有意酬適迴。來朝便買京口酒。剪江雪浪衝驚雷。轉憶荅湖未歸客。陳編坐擁如枯柴。

松嵐先生見示黃山畫冊走筆爲作長歌

新安二吳我好友。綺園東巖異日贈我新安山水之新圖。新安山水大好在。刻畫毛髮工臨摹。惜哉妙手刊梨棗。未免依稀謾蒔蘆。打門誰送畫一束。展卷流覽朝至晡。不覺栩栩兩腋生羽翼。以臂爲馬尻爲輿。湯泉藥谷一徑入。慈光擲鉢紛僧廬。參天石筍卓劍立。白龍蜿蜒跳明珠。谷二十四洞十二三十六峯層巒疊嶂相縈紆。其中至尊而大高可九百仞。曰是維古三天子之都。忽然長嘯膽滿軀。騰身直上凌空虛。舉

頭叫軒后。何處遺丹爐。珠函玉壺那可得。曷不乘龍而下垂其胡。左挹浮邱袂。右攬容成袪。大鴻常先在何許。彷彿衣冠劍珮鵠立錯瓊琚。我聞西華山。十丈青蓮華。叶不知幾時。天風吹墮此。幻成百千萬億朵。朵金芙蕖。獅兒昂其首。青鸞尾畢逋。自餘翠微紫雲合。各各爭獻狀若供而伏奔而趨。獅子。青鸞。翠微。紫雲。皆峯名。有時化兒大謠詭。陡作萬頃吼羅鋪。山耶雲耶望而不見。但見白鷺出沒羊頭巖。渾茫元氣粘一片。其中蹲者踣者矯者立者若隱若見。或如蛟如鱗如龜。須臾波心忽動盪。跳出義和三足鳥。乾坤軒豁萬象露。滿山碧綠青黃朱。一時一境境一邑。令我目不及噴氣不及舒。徒然仰而張口絕叫而睢盱。幡幡十八公。鐵石爲肌膚。是何意態雄且寡。爲龍倒挂爲團蒲。金膏水碧色敷腴。奇花異草無處無。入耳猿鶴聞號呼。爲我寄聲謝兩吳。行纏底用縛。柳樞不必扶。向禽婚嫁幾時畢。昌黎痛哭胡爲乎。臥遊如此歌可夫。世間萬事徒區區。試展松嵐百二十幅黃山畫。定勝汾陽二十四考書。結用坡語。

會昌九老圖歌和漫堂先生

香山居士真老仙。洛中結社誇九賢。盛事圖繪足不朽。至今妙本爭流傳。太清樓中舊曾貯。雲散宣和倏南渡。良齋題識鈴紹興。御墨淋漓元氣注。吳興得之歎希有。棠村寶此亦未久。物之鑒賞在真識。妙跡天遺落公手。我昔借觀六月中。刻畫入細驚神工。是日微雨破池面。湘簾裏觸生清風。君不見元稹作相五月耳。朝籍紛紛黨牛李。中山劉禹錫屢黜元老。謫度危虞卿遭枉。楊申錫死。宋。又不見太和年間甘露變。

北寺南衙劇征戰。百僚駢首就誅戮。碧血橫漂紫宸殿。幾人得見會昌春。

卽香山句。

蚊蚋紛紛一聚塵。物外

逍遙獨此老。搖毫把盞陶天真。履道歸來已七十。尙此開樽樂泉石。好事縑素寫風流。千載摩挲認冠局。方今聖治流雍熙。我公翌鑠天人姿。韋平贊皇有故事。底須漸退求分司。

白詩。猶發裴學教漸退。莫須致仕且分司。

垓澤門邊

一區宅。森森西陂最堪憶。社踵耆英自有時。

公詩云。也效耆英踵其迹。

莫使披圖動顏色。

史孺人死節詩。爲友人張印宣作。孺人江都張師孔祖母也。乙酉。揚州城將破。積薪自焚死。家人歸覓其遺骨。赤心尙存。

春秋宣聖筆。大書魯伯姬。伯姬待保姆。冥冥行弗虧。至竟逮乎火。就死甘如飴。史母居圍城。夫出子又隨。倉皇懼辱身。積薪自燔煨。同約有鄰姬。際變忽長辭。從來失節人。什九轉念移。姬也何足道。母死良可悲。耿耿一寸心。祝融不敢灰。守禮與植節。義各商所宜。今古同一揆。不朽名字垂。何人繼獲麟。傳信攷此辭。

池上曉

園鶴市一鳴。城烏忽三遶。披衣吸沆瀣。逮此池上曉。長庚爛不收。殘月似飛鳥。不覺衣裳單。微風扇清沼。一枝紫微花。浥露何裊裊。

自題齋壁

雜樹遮陰靜可栽。屐痕偏喜護蒼苔。石無幾笏經年別。籬不多花盡意開。書已罷觀吟漸減。我原無住客。

焉來。自嫌麋鹿生成性。肯信中年挽得回。

題扇梳鬪二絕。

廣陵史右典。早孤。節母張。以乙酉兵起。赴水死。時君甫十齡。比長。思父母不可見。於友人得其父手書篋一。又於鄰能得其母梳一。葬而藏之。歲時展對。如覩所生。

敝楮已毛生。手澤存焉爾。襖帖價連城。寶愛不過比扇。

城破見巾幘。敝帶享千金。油木祇三寸。中有孝子心。梳。

題紅橋集

冶春唱徧王司寇。

新城先生。有紅橋冶春詩。又紅橋浣沙溪詩餘。

秋興題殘宋大夫。從此風流歸二老。平山應不道歐蘇。

涼夕

草際一蟲響。夜高聲滿堂。微風吹四壁。朗月鑒孤房。笛起引遐思。坐深增永傷。迢迢牛女宿。猶得兩相望。

方正學先生祠

烽煙一夕逼南畿。痛絕孤臣淚血揮。十族可堪同蔓草。

時戮進文諸臣。評之瓜蔓抄。

九重亦自愧麻衣。金川燕子飛還

出。玉壘龍孫去不歸。祠宇高皇幸鄰近。一坏鍾阜共斜暉。

李基簡

字雍甫。號雪鄰。高郵人。必恆子。數篇塞言詞。善屬文。家申藩。年五十三。舉於鄉。復攝偏枯疾。作字用左手。字蹟端正。著有藝室集。

輓家裏

科名指點說君家。架上藏書富五車。西去夕陽叉手處。澄懷堂北紫棉花。

李

字格非，號荆門，高郵人。基簡子，邵增生，積學工詩。李氏自晉雷訖荆門，貢有四世詩人之目。家貧母老，擬曾子梁父吟四章，誦者動心，著有荆門存藥。

許葭水諱植字天植吾郵順治時詩人也著有雪吟惜詩不多見雪中效其體

曉殘山上芝在遠蘊其秀猗猗谷中蘭無言發其臭鄉里有逸老世系綿已舊當得唱聲詩未知誰左右
一册冰雪吟琳瑯金石奏惜哉齒時隔遺編艱一覲收拾定何人吾將訪其後

擬曾子梁父吟樂苑載曾子耕泰山之側值天大雨雪不得歸思念其母作梁父吟以見志其辭不傷今擬爲之

瞻彼東山我耕其旁日之夕矣母氏皇皇孰勞我母雨雪滂滂瞻彼東山我耕其側母氏皇皇日之既夕雨雪濛濛母不可卽雨雪未已使我心忭東山崔崔莫知我志母曰歸哉不歸何食雨雪未已使我心痠東山崔崔莫知我意母曰歸哉不歸何衣我之不歸兮雪千里我之歸兮雪其已今夕何夕實勞我母

凌孫有

字似之通州人

旅次送友

風日催人老征途且暫停心驚千里別酒逼五更醒薄海瀾迴紫連山雨送春自憐同旅客長遠不堪聽

張贊元

字履素江都諸生善屬文工詩早卒

田家雜詩

車軋縲車到夜闌。中宵篝火耐嚴寒。村莊兒女當家慣。又采松花當早餐。名擅紅蓮識稻香。人家總住白雲鄉。黃昏石臼春聲起。大半都來趁月光。

張

彭字鴻飛。號我存。履素係。江都諸生。善文。工六書。通陰陽卜筮。著有南遊吟。耳楚堂詩鈔二種。

莫愁湖

平湖漠漠草萋萋。路近三山入望迷。酒嶼斜通秋水闊。畫船輕渡晚煙低。千年舞袖香何在。十里蓮花影不齊。莫更歌翻新樂府。多愁怕到石城西。

春懷

寂寞春光暮。連朝風雨微。病慵新句少。門僻故人稀。野藥藏松飯。山香翦薜衣。晝長閒盡日。小坐亦忘機。

張祖華

字厚中。號勉齋。我存子。江都諸生。善飲。詩于咏物尤工。性曠達。自服素至勉齋諸業。皆副貢張既堂輯錄。既堂爲勉齋係。長于天文推步之學。

謁蕭孝子祠二律

孝子諱日曠。

風透疎櫺夜氣森。霜刀握處忍開襟。也知烈士空埋骨。不讓忠臣獨剖心。短燭寸檠煙落漠。孝子燄三寸燭。光不滅。其遺書一紙血淋漓。孝子預作遺。非別父母。那堪藥鼎仍親覩。危坐何曾便擁衾。

朝昏十七強支持。猶見高堂小愈時。母已長寧焉所憾。身雖寸割固無辭。一門三世都能孝。孝子祖處軒。純孝。父文襄。先後刲股療父母。俱見府志。千古雙忠共有祠。祠旁雙忠祠。更歎閨幃敦苦節。墓田松影兩參差。祠在墓前。

顧

瀛字湘靈·秦州·貢生·

無題

並蒂芙蓉兩玉人。珠簾騷屑碧紋茵。烏龍穩睡清無夢。赤鳳狂飛力有神。錦瑟銀河深淺浪。香沙金粟去來塵。分明舊事吾能記。曾見青章叩紫闕。

王

玫字文玉·寶應人·孤憤嫉俗·罕與人交·

吁咷道上

東轡隨行旅。征塵夜未闌。馬頭殘月落。衣背早霜寒。天地秋俱老。雲山日幾盤。前途相念苦。從此涉艱難。
宋州城樓晚眺

荒風野水大河濱。百道車聲碎晚輪。毫社殷墟無白日。漢朝梁苑有黃塵。江淮遠徼雲垂樹。海岱殘峯霧隔人。太息鄒牧詞賦客。兔園寒磔弔秋燐。

湯廷頌

字秋哉·寶應諸生·慕林和靖之爲人·自號林逋·藝梅養鶴·與梁鶴林以稔爲友·著有梅溪詩譜·後知堂集·

乙巳冬日送猶龍子

洛社淹留伴我閒。天涯老友又開關。飽遊白馬湖邊寺。忽憶青陽溪上山。月夜孤舟歸夢促。梅花驛路旅愁刪。明年鄰圃衝寒後。驢背收君好句還。

喬字子卓·寶應人·侍讀萊之兄
邁·居栢溪·著有歲寒堂集·

春日雜詠

頭白風光裏·江湖老布衣·鶯聲憐暮景·春色訝初歸·
野蝶清晨見·園客昨夜飛·蓬門午未啓·應爲故人稀·

十一月八日

竹裏茅軒冬事宜·乍晴天氣似春曦·壯年易去驚心苦·薄俗難防觸眼悲·
此日咏歌無客和·百年過慣閉門知·卽看薜荔春風早·好向窗前晒鹿皮·

水漲再過草堂

秋水漫空野·柴門尙覆花·半窗飄舊紙·一榻擁新沙·
藜杖輕隨鶴·茅檐低落鴉·村煙過午寂·留得幾人家·

喬崇讓

字致能·康熙丁卯副榜·萊次子·工寫生·龜猴二種·尤能逼真·善八分·早卒·臨
澤有詩曰·天下八分鄭谷口·我書似之今亦無·兩人相繼歸黃土·此道將無付子虛·

余養病陶園·忽有道士闌入相探·告余前世事·且訂後期·因成二絕·

偶然一誤到人閒·忘卻前身與舊山·今日相逢如夢裏·白雲秋館正闌珊·
苔疊繩牀二十年·丹爐藥竈尙依然·松杉手種今皆老·雨溜霜皮帶晚烟·

丁敦

字澹園·寶應人·

許長卿宅

邱壑胸原足。新居野外幽。青篁深壓石。白板斷隨流。飲可呼農父。閒曾狎水鷗。栖栖每過此。一醉暫能留。

仲以懿

字爾成。寶應人。著有韻藻集。子立。亦能詩。

臨淄道上

征途戒早發。淄水自歎歎。隔岸猿啼樹。疎籬犬吠人。雲凝千嶂雨。香散一林春。遙望烟深處。花源別有津。

許

字默公。號實夫。如皋人。著有臨淄集。

建溪舟中感懷

雨餘山更青。涼颼來木杪。放舟絕壁中。仰視疑天小。灘拍萬馬奔。聲騰出林表。翠巘鬱蒼松。丹巖長新篠。寄跡孤舟。忘情羨魚鳥。回首望閭烟。濛濛迷岸草。畏途何重重。暴川何淼淼。安得倚棹吟。江上釣紅蓼。

過馬陵山

秋氣清無賴。湖光白可憐。遠帆輕似葉。孤嶼小于拳。沙起封人面。寒攔薄旅肩。相逢俱不識。回首復揮鞭。

丙寅立夏前二日。三山毛雲山。高雲客。陳子盤。楊浴菴。陳子巖諸先生。移席過雲期堂寓。

溽暑移樽俎。多君過草堂。泉疏苔石瘦。風暖橘花香。白雨翻空碧。青山戀夕陽。閒雲人共淡。醉臥憶羲皇。

馮次阮以詩見詢。首云。君今客何處。煙衡山半斜。余時入閩。雲期堂主人留寓烏石山。山水之樂甚適。山外事不問也。因懷次阮。

不識余居處。循泉到竹扉。齋虛偏上月。石靜已忘機。松葉蒼雲細。椿花綠雪飛。君來無可供。筇屐近時肥。

柔遠驛雨

驟雨翻盆天四垂。門前新漲已平池。盈階腐草看穿檻。滿院落花漂上墀。菱沼時高二三尺。竹牀刻下兩三移。空齋瓦竈蛙鳴釜。掩卻攤書看欲癡。

浦城途中書所見

紫壁新藤碧線牽。寒禽上下起村煙。霜前楓葉紅垂地。雪外梅花白滿天。竹引幾竿泉入室。山開百級水通田。山由百級接流而下。小亭一路堪頻憩。最愛危巒倚樹邊。

上建谿

一帶高巖映碧流。平分竹樹足深幽。風恬香結花如綺。雨過涼生氣似秋。石峻倒衝天半水。纜牽直上嶺頭舟。溪程八百灘三百。日日驚心羨海鷗。

朱四輔

字詰師。寶應人。順治間。尚平南。聞其名。聘入幕中。福運甚厚。知尚有異志。辭歸里中。

韶州道中

好山無數逐人來。紫翠千重面而開。樹下有蹊皆鹿跡。巖間不雨自莓苔。蘿生斷壁垂還上。水作驚湍去復迴。獨惜征帆容易過。無由繫纜與徘徊。

天南控扼果無雙。半壁摩挲自大邦。浪繞羣磯聲欲戰。山維百粵勢全降。雲韶響斷餘岑石。風度人誰嗣。曲江惆悵客心何處寄。一樽搔首對篷窗。

鄭在渭字九起。寶應人。國初時居葭園。著有葭湖雜詠。

雲居望西湖示司李紀子湘

倚杖凌雙屐。荒湖暮雨寒。雷峯雲外矗。天竺畫中看。麋鹿窺煙市。鷗鷺臥釣灘。可憐歌舞地。零亂夕陽殘。

韓字靜白。魏州人。

奉和梁五桑蒼山見月寄懷原韻

萬里夢懸邗水月。一函書帶點蒼雲。天長地闊孤吟別。楚尾吳頭兩淚分。游子愛山兼弔古。將軍好武復能文。知君到處多酬倡。好附蠻牋次第聞。

別時荷葉正田田。身似浮雲漾水邊。好景放船櫻筍日。殊方繫馬菊花天。巴猿峽鳥聞從蜀。暑雨炎風直到滇。細把君書說江夏。涵齋夢魂飛向葉榆前。

汪字夢齡。號青蓮。江都人。太學生。

答賈二問疾

委巷青苔雨。匡牀白髮人。朝來聞立夏。三月不知春。花好等閒落。水流無盡因。勞君詠寒谷。骨相本清貧。

詠蓮和迦陵

淥水歌停綠綺琴。明珠疑佩玉疑簪。幾迴欲涉空江遠。一夕相思別浦深。蕙帶風輕凝暮影。羅衣露溼湛秋心。祇憐山館龐眉客。獨抱紅香入苦吟。

所期

所期不可得。悵望當清秋。佳節昨朝雨。斜陽今夕舟。林疎下木葉。火遠照寒流。知有後時夢。還同江上樓。

余

墨字默菴如皋人

登軍山絕頂

萬里江流自古今。登峯側聽海蛟吟。塔懸霄漢孤煙直。屨結滄溟戰氣沈。殿閣凌空雲不斷。松杉帶日晝常陰。扶筇歷盡丹梯勝。長嘯風迴萬壑音。

沈復曾

字大復泰州人

將西同詞臣孝威賦

短市商歌疾。驅風此敝裘。地形趨碣石。山勢坼河流。雲策隨征鳥。春詞憶射牛。東南銷王氣。立馬向齊州。

石

尹字月川如皋人

景陽鐘歌

琳宮蕭颯飄丹瓦。翠檜蒼栢皆繫馬。僊樂泠泠玉闕空。殿前駁犖景陽鐘。此鐘鑄就何人識。興亡閱盡青銅黑。慷慨當年說六朝。千門萬戶爲誰驕。太極堂前朝擊鼓。華林苑裏暮吹簫。五世相傳易世早。九錫禪文何草草。石頭惆悵彥回生。霸府淒涼寄奴老。長城玉樹劇可憐。三妃衽服儼神仙。狎客聽歌歌未竟。蒼龍禁闥已啼鵲。賀公乘霧飛樓櫓。莽莽新林起擒虎。摩訶生縛蠻奴降。胭脂井下良辛苦。故宮凋謝數百年。臨平石碣豈徒然。龍文斫柱珊瑚碎。沈香欄檻化爲煙。鐘兮鐘兮雷文古。我聞鐘兮淚如雨。

盧廷簡

字子閑。江都人。順治乙未武會元。

邊塞

疊嶂邊城接。千軍試鐵衣。黃雲栖塞草。白日淡寒磯。帶晚雕聲急。經秋馬隊肥。何年飛將在。往事問人稀。

王貴一

字集山。興化人。

廣陵

垂柳維揚道。曾經錦纜遊。岸花飄客袂。帆影亂春流。山氣浮吳甸。江聲過潤州。人傳竹西處。歌舞往來稠。

邵

潛字潛夫。通州布衣。少喜詩古文詞。家貧不治生產。晚年僅一簞給餽食。流寓如皋。王文簡極重之。詩工五古。精篆籀八分。著有循吏傳。友誼錄。眉如草。州乘。資邵山人詩集。王漁仲常經堂詩話。通州邵潛夫。

年八十餘。無妻子。儼然如皁。子按部至縣。邵以書來云。苦門夫之役。子抵縣次日。晨往訪之。所居狹窄。不容車騎。子下車徒行入。善門陋室。臥榻與竈突相接。所著書板充棟。出市酷留飲。子爲引滿數觴。盡歡而罷。邑令聞之。即日免其徭役。

遊惠錫園

零雨暮云歇。秋氣晨益清。名園近探歷。四顧抒中情。空翠映簾幕。飛泉灤階庭。岩花漸凋謝。汀芷揚其馨。翔翼拂高漢。游鱗浮且沈。式觀孤征雁。載聆寒蛩鳴。眷此愜幽賞。離憂聿已平。何當占一壑。永畢吾餘生。

登金山

藜杖倚山椒。荆吳入望遙。岡巒標地鎮。濤浪倒星杓。鶴鶴巢雲瘦。龍龍乞食驕。平生戀幽勝。於此滌塵囂。

閒居

城市亦堪隱。春風獨掩扉。狂鄰生計拙。貧使故交稀。日月摧蓬鬢。煙霞老薜衣。不須論塞馬。得失總忘機。

過趙凡夫先生山中

天闢幽奇境。窮探徑轉深。斷巖懸百尺。絕壁立千尋。竹密生丹嶂。池寬鑿碧岑。滿厓鐫鳥篆。宛見古人心。

過北山訪裴在澗山人

客舍依然寄遠邨。片心原不受塵昏。元修暫假刀圭藥。淨業還修祕密門。靈嶽幾年留展跡。名山終古見題痕。怪來仙骨真人似。身是清冷衍派孫。

同諸公登十三樓得寒字

負郭樓同綠野看。憑闌風物肅初寒。東西溪匯雙流合。向背山分十笏攢。香徑鳥啼梅影瘦。幽林犬吠竹

聲乾。雲煙對客堪舒眺。未使浮生絆一官。

孫謙字伯益。號黍菴。通州人。家貧好學。不妄交接。諸同人中。獨與黃海程鼎菴友善。唱和之餘。有梅花三百韻。鼎菴爲之評閱。

梅花

調殘綠綺寄遐思。一曲千秋弔子期。冷露繁霜傷歲暮。疎籬茆屋愛春遲。枝頭風動花開處。林下香來月上時。猛憶揚州遷客去。至今官閣重題詩。就裏微紅淺露苞。烟光凝碧護花梢。愁嗟白髮餐雲母。爲戀青山臥碧巢。勁節獨標天下士。知心誰訂歲寒交。嚴飈乍向疎林轉。晴色怡人肯暫拋。博得芳姿與雪親。解妍獨占歲寒心。香傳騷客吟邊字。影落高樓笛裏春。孤潔謾裁雲作幘。清標難瘞玉爲塵。却憐開放宜晴燠。風雨休教妬浹旬。遙傳春信過江南。帶雪何妨訪遠探。幾處花開連水驛。十分香處到山菴。奚奴負戴瓶居一。明月邀人影共三。拾得好懷寄幽況。新詩題徧自能諳。

于王庭

字伯弱。江都人。

江上中秋兼憶里中諸子

徒倚篷窗下。秋風冉冉生。天留今夜好。月到大江明。石港人煙集。江湖舟楫平。梁園爭賦詠。誰得擅場名。

劉之湛

字葛公，江都人。

阻風東溝

一片攝山月，江邊照獨愁。人留花市酒，風阻石城舟。紅樹圍新岸，青峯倚舊樓。夜深長笛發，何處起眠鷗。

戴

興，字文商，一字寧齋，泰興人。

送李天開之海上

丹青稱小李，妙景盡情收。夜色疑歸雁，秋聲醒睡鷗。板橋驪已唱，茅店酒方籌。盡取滄洲意，留名東海頭。

和黃交三內兄登雨花臺原韻

金陵遊覽信悠哉，想像登臨逸興開。牛首峯高青竄斷，龍江關迴白雲來。知君作客橫詩筆，念我離居罷酒杯。江郡清秋無限好，風光何日共徘徊。

仲春集孔東塘使君寓樓，同包俟庵先生、黃舊樵、岳父、暨茅于唐、高士、上木、交三兩內兄，卽席分賦。仲春躡屐過精廬，更喜高賢駐鹿車。作賦正當風雨後，登樓況是夕陽餘。客中遣興三杯酒，世外論交數卷書。北海門牆賓從滿，也容問字到樵漁。

黃鸞祥

字瀛客，泰州人。仙裳孫，交三子。著詩藥一卷。

午日東原冰榴花

正值端陽日。榴花火作堆。綠陰吞壁上。紅影入簾來。絕豔浮杯酒。殘粧委鏡臺。東原同聚會。賞玩笑顏開。

送繆墨書先生應試入都。

父執多年追講席。今朝相送薊門游。和風御柳飄鸞閣。曉日宮鶯出鳳樓。對策廣川真慷慨。懷才司馬最風流。千門九陌花如霧。遙憶春光控紫駟。

王浩川昆玉招集竹里。同外祖宗梅岑先生。國博孔東塘先生。祥鸞侍家祖父。卽席命賦。分得十四寒。

廣陵雨歇尙餘寒。臨展招尋春未殘。曲浦漁舟吹笛過。畫橋烟樹隔山看。閒邀好友同高詠。靜對芳梅締古歡。此處幔亭投轄處。不妨翦燭且盤桓。

隨家君過外祖宗梅岑先生小香居賞桃。同醴陵母舅賦得桃字。

燕掠河橋水半篙。小亭花事費香醪。一春梅杏都尋遍。又到東原看碧桃。

陳厚耀

元豐時人。傳內。陳太史傳云。陳厚耀。字泗源。泰州人。康熙丙午進士。安國李光地。薦厚耀通律法。引見

命。以算法。繪三角形。令求中綫。及問弧背尺寸。厚耀具創進。稱旨。旋請省親歸里。戊子。特命來京。此法精妙。極爲簡便。臣法臆推不可用。上諭云。朕將教汝。汝其細心貫想。以待朕問。次日。又問曰。汝能測北極出地高下否。對曰。若將儀器測量長短。用檢八綫表。可得高度。此在春秋二分所測則然。若餘節氣。又有加減之異。然亦不準。何也。臣聞地上有朦氣之差。以人目視之。有升卑爲高。映小爲大之異。故以儀器測之多不合。但在天度數。則不差也。又問也。周三百六十度。依周尺每度二百五十里。今尺二百里。地周幾何。地徑幾何。奏云。依周尺地周九萬里。今尺七萬二千里。以圓三徑一推之。地徑二萬四千。以密率推之。當得地徑二萬

二千九百一十八里有奇。上復問地闊何書。對以周髀算經。晉之。問何以見其圓也。對曰。職方外紀。西人言。地過一周。四市皆生。商所居。乃知其爲圓。且東西測量有時差。南北測量有地差。皆與圓形相合。故益知其爲。此法其精。不必用尺。綫表。即以西洋定位法。開方虛擬法。寫示。又命至座旁。上問測景何法。厚禔指。上曰。用上規尺畫圖。即兩點相去幾何之法。上從容論之曰。堯典。敬授人時。乃帝王大事。奈何勿講。自是厚禔之學。益進。嘗召入至淵鑒堂。問難反覆。兼及天象樂律。山川形勢。得偏觀節。前陳列儀器。使汝老母喜也。詢問家世甚詳。從至熱河。奇賦。皇京石壁詩。授中書科中書。傳旨曰。上道汝學問好。授汝京官。使汝老母喜也。詢問家世甚詳。汝嘗言極鼓成學甚深。今命來京。與汝同脩算法。鐵成。至。上問曰。汝知陳厚禔否。他算法近日精進。向曾受教於汝祖。今汝祖若在。尙就正于彼矣。乃命厚禔鐵成。並修書于蒙養齋。賜算法原本。算法纂要。同文。指。嘉量算。今汝祖若在。尙就正于彼矣。乃命厚禔鐵成。並修書于蒙養齋。賜算法原本。算法纂要。同文。林。持授翰林院編修。甲午。丁內艱。命賜辭銀。著江南織造。所著書有孔家語注。晉國子監司業。禮記分類。戰。國異辭。十七史正譜。及天文兩學諸書。又春秋長術十卷。乃左傳分類中一門。爲補杜預長術而作。其凡有四。一曰律證。備引漢晉隋唐宋元諸史志。及朱戴瑄律書諸說。以證推步之異。又引春秋屬辭。杜預論日月差。龍一條。爲注疏所無。大衍律議。春秋律考一條。以春秋志所未錄。尤足以資考證。二曰古術。古以十九年爲一章。一章之首。推合周正。正月朔旦。冬至前。列算法後。以春秋志所未錄。尤足以資考證。二曰古術。古以十九年爲一章。一章之首。曰律編。舉春秋二百四十二年。一一推其朔閏。及月之大小。而以經傳干支爲證佐。皆逸杜預之說。而考辨之。四曰律考。以古術推。歷公元年正月庚戌朔。杜預是術則爲辛巳朔。乃古術所推之上。年十二月朔。謂元年之前失一閏。以經傳干支排次知之。厚禔則謂如預之誤。元年至七年中。番日食。恒公三年七月壬辰朔日食。亦皆失之。五年止。以下朔閏。一一與杜術相符。故不復續載焉。蓋厚禔精於律法。視預爲密。於考證之學。尤爲有裨。治。春。秋。者。不可少此。矣。王寅。春。卒。年。七十五。子。傳。華。郡。庠。生。

北苑新秋應制

雲天清暑色。木葉送秋聲。水淺魚龍起。山空鶴鹿鳴。南憑金闕近。北眺翠屏清。一路沙痕白。拈花亦有情。

熱河趵突泉

由來鑿飲頌康衢。誰道甘泉竟勝區。萬派寒潮飛匹練。半天花雨灑明珠。膏流海外尋源處。清在人閒發轍初。此地風雲開北極。靈根玉窟擁皇圖。

泉源石壁應制

奠定新開繼禹功。九州隩外碧霞宮。千尋削壁渾鋪玉。百道飛流似吐虹。天獻奇巒真瑞景。神輸太液豈人工。欲知萬象無窮境。盡在平成變化中。

淮海英靈集

陳

鉅字其相，號冰壑。寶應貢生，爲詩出入中晚宋元。鏘鏘成家，與陶處士李朱，上舍克生唱酬。著有集園集。

山村

微雨散蕭晨，復空山翠起。
枯柏隱茅茨，人家住山尾。
窄徑穿雲根，迴湍漱石齒。
好鳥時一鳴，翛然清俗耳。
幽景觸我心，萬慮澹如洗。
卻笑白頭翁，門前種松子。

京口懷古

山勢蟠京口，雄關壓上游。
夕陽空戰壘，漁笛起孤舟。
霸業齊梁盡，江聲日夜流。
憑高無限意，愁倚仲宣樓。

句曲道中

四面峯巒翠，紆迴斷復連。
松根扶墮石，雨溜助奔泉。
逕轉疲童失，橋危瘦馬旋。
逢村時自笑，又覓酒家錢。

答秋厓

命也夫何怨，霜天涕淚真。
寸心攢百慮，十口累孤身。
歲月流如水，容顏老逼人。
把君書再讀，慰我更酸辛。

贈何符卿尚

落拓憐何向，間關萬里行。
他鄉餘白髮，知己託青萍。
性僻交人少，途窮覺命輕。
信陵難再得，誰識老侯嬴。

落雁

平沙千里闊。落雁自成羣。驚笛浮還沒。隨潮西復東。蘆花秋水外。菰米夕陽中。莫羨高飛好。天涯滿角弓。

靈谷寺

古寺週遭樹百層。陰深常闇佛前燈。金牌不見長生鹿。石室還多入定僧。香積泉清留客坐。浮圖梯斷少人登。憑高莫向臺城望。黃葉蕭條武帝陵。

泛舟射陽湖

欲雨不雨晝冥冥。扁舟蕩漾湖之汀。淪漣水照白菡萏。蕭疎葦立紅蜻蜓。楚王墩樹遠鬱鬱。陳琳墓碣高亭亭。前有漁家住港口。買魚沽酒須留停。

下相感賦

馬陵山下古鍾吾。側抱黃河控六湖。俠少彎弓朝射獵。羈人買酒夜呼盧。彭城都後無王業。亞父歸時失霸圖。此日平原增悵望。茫茫千里月輪孤。

山寺

枯柏蕭森山四圍。禪林下馬立斜暉。殘碑讀罷無人見。古殿陰陰蝙蝠飛。

送友人歸江州

潯陽南望天連水，大孤小孤黃葉稀。一片歸帆秋正好，滿江煙雨鷺鷥飛。

聽鄰家理箏

小院香分鵲尾煙，鄰家低按十三絃。不知玉貌愁多少，但覺銀箏泣杜鵑。

陶

字文虎，寶應人，徵蔚子，著櫻桐餘響。

桐城北郊小飲

拄杖叉錢索市沽，滿山春色老蘼蕪。殘花亂落天將雨，烏柏枝頭叫鵲鵒。

常

字敘五，號梅崖，江都人，居北湖公道橋，順治辛卯舉人，涇縣教諭，所著有尊屏寶說十卷，梅崖詩集若干卷。

山中

山中果然好，夏葛冬一裘。茅屋三兩椽，綠樹遶層邱。不知市朝事，相期日夕遊。有時命巾車，或者棹小舟。遇景卽一醉，來往得自由。人至不容坐，客去亦不留。殘書堆滿榻，棋枰置案頭。興起發長嘯，倦則閉雙眸。吾心亦何樂，此內本無憂。

常

藻字泰若，江都增生，居公道橋。

送友贈別

幽懷猶未暢，空谷悵跂音。酒欠連宵債，詩慳一字吟。款留需異日，惜別有同心。怕見揚帆去，悠悠潭水深。

常履寬

字頤廷，號既齋，甘泉監生，居北湖公道橋，著既齋詩集。

寶珠閣讌集僧餉豬首見壁有題贈因步原韻

半年不到舊精廬，壁上新詩一起予。久乏清言揮玉麈，重添佳話餽燒豬。文通游戲皆三昧，禪晤真空卽六如。高會湖濱緬餘韻，秋風鴻爪影蕭疎。

沙永福

字配言，甘泉諸生，居北湖公道橋。

題囊琴濯足圖

濯足南淮萬里流，振衣千仞蜀岡頭。廣陵散絕人間後，只合仙人赤脚游。

陳廷和

字蘭海，江都廬膳生，居北湖公道橋，博學能文，康熙間卒。

常子兆熊山莊偶集

湖上伊人水一涯，小軒終日浪淘沙。雨餘濕翠桑麻地，風過清香豆麥花。索句每難酬酒伴，借閒常自到僧家。夕霏亭外秋如許，澹社湖中月已斜。

歐陽復旦

字與谷，號晴峯，江都諸生，居北湖公道橋，工畫山水，精于書法，尤長于醫，卒年八十一。

旅舍送客

幾度傷離別，曾無惜別詩。恥將倔強性，竟作慘淒詞。雨冷燈昏夜，風號歲暮時。君今東裝去，動我故鄉思。

朱青選字□□·號野塘·秦興人·康
熙己丑進士·翰林院庶吉士·

凌霄花

百尺芸黃霄可凌。令非攀附亦奚憑。儼瞻寶相垂瓔珞。幾認虛空擲綵繩。蒼幹虬枝如束縛。高花翠幔得因仍。秋零冬茂還相代。交讓爲心却未曾。五鬣從來自有花。蒼華故故曲相遮。縱非藉與薰同器。寧異鳩居鵲所家。素質無端纏錦繡。妖姿只是逞天斜。幾時放出貞松面。何曾週天返巨槎。

王新猷字允哲·秦興人·
侍御桐孫長子·

凌霄花

纖纖弱幹欲焉凌。附會因緣得所憑。未必去天剛一握。也矜繫日有長繩。仰承雨露滋榮渥。俯視根株引蔓仍。擁腫被他噉散木。空思縱壑竟何曾。望若丹梯古院花。羊腸曲曲徑周遮。亦知松柏非同氣。且引雲霄共一家。得路漫誇滋蔓好。批根終受雨風斜。其如九夏時方盛。那得窮他星漢槎。

史進義字方山·
柳州人·

次韻梁五粲滇南寄懷

憶別河湄散梗萍。蒲帆不爲暫時停。廿回江月驚心白。萬里滇山繞夢青。去日交遊悲夜雨。他鄉知己歎晨星。從來舉世皆稱醉。莫漫人前倚獨醒。

偶厭蠶寒慕韭萍。方輪難轉去還停。眼從熱處增新白。轆到歸來損舊青。皁廡頻過思黯黯。衡門一臥髮星星。離愁最苦冬宵永。醉打山鐘夢已醒。

喬

寅 字東湖。著有黃山詩一卷。題爲揚州人。康熙乙丑。烏程夏宛來。題。四明萬允誠斯。何爲之敘。

同萬允誠李松嵐初至祥符寺呈江允凝

返照開松徑。飛泉灑石門。谷量雲不盡。砂伏水常溫。采藥從吾好。攜筇就爾論。相思三十載。今始到仙潭。

雨宿慈光寺

連雨宿精廬。徙倚得佳境。長廊而天都。煙嵐變俄頃。幽尋約未踐。目擊心已領。坦步向松門。禪燈耿雲影。淙淙飛瀑喧。彌覺空山靜。山風颯然至。鈴鐸中夜鳴。披衣就明月。雨洗高天清。危峯削寒玉。倒影垂空庭。淒神立難久。懷仙心未寧。如聞有鸞鶴。縹緲來青冥。

龍藏石廢菴

老人筆

老人相望處。不復見香林。石激水聲怒。巖藏花氣深。欲留愁日暮。小立愛松陰。寥落登峯客。誰來更布金。

蓮花峯絕頂觀雲海

遊侶喜相呼。清旦風日美。踰壑仰峭崿。躋攀自茲始。縱自踵不前。曳踵復遺視。僂僂入山腹。沿緣旋石齒。已謂到花鬣。纔及青蓮葉。傾崖鑿人跡。託足納雙屐。捨策捫莓苔。徑絕飛梯倚。冷然御風行。興廢不可止。雲海蕩朝光。眺聽空千里。遠惟九子青。近則天都峙。羣峯盡陸沈。隱見白波裏。乾坤信遼廓。勞生吾老矣。揮手招浮邱。細討元精理。

登始信峯望石筍砭散花塢

鴻濛亦善幻。鑿空出奇特。疑游化人宮。如入維摩室。解簾森懷纒。干霄聳寒碧。雲鬢調鸚鵡。鶴鬢參博奕。連袂儼同行。或坐或離立。上雜蛟螭盤。下綴崖花密。林林拔地起。詭狀難殫述。目眩歎觀止。賞延嗟易失。東峯復吐光。輪囷射西日。應念相須殷。懷奇不忍匿。歸休獅子林。回首有餘憶。

仙橋峯瀑布

颯颯飛泉挂翠屏。石梁高擁半天青。荆榛無路通雙屐。風雨連山走百靈。倚醉那能終日對。將歸猶得片時聽。酈生善貌奔騰狀。惜未來遊註水經。

信宿祥符寺贈蓮公

已束歸裝向澗阿。還思惠遠復相過。林藏藥谷炎暉少。地近龍潭暮雨多。頻倒清樽分蕨筍。便移短榻就

煙蘿重遊縱有高秋約。如此山溪奈別何。

別黃山

發輒白龍潭。引節仙燈洞。奇峯猶趁人。昨遊已如夢。山陴氣蚤暄。漸覺征衣重。寒泉獨依依。出谷遙相送。

賈寬生

字儒光。號栗亭。儀徵生員。著有詩稿一卷。

三日見新月有感

去年見新月。饑驅出里門。今年見新月。遊子思故園。僕僕一年中。酸辛胡可言。旅食寄茅菴。晨夕鐘磬喧。長淮春漲溢。四壁水平垣。際此卑濕地。斥鹵非無源。鬱鬱入朱明。河北託高軒。襟懷暫爽朗。親朋消悶煩。腰背忽攣疾。孱軀幸自存。藥裹不脫手。兩月減饔飧。秋來渡黃河。時驚風浪翻。途窮見舊交。下榻欽陳蕃。投契在性情。真率獨苛繁。寒風西北來。積雪徧荒村。堅冰亦何厲。歸計怯更番。遙念高堂上。菽水仗弟昆。誰知漂泊子。趨庭祇夢魂。一身嗟萍梗。兒女安足論。百感填寸心。俯仰不可捫。仰天發浩歎。青衫多淚痕。

丁腹松

字木公。號挺夫。又號左山。海門鄉人。康熙癸未進士。官內閣中書。改授陝西扶風縣知縣。以疾辭歸。扶風人思其德。祀名宦祠。既歸田。課親舊子弟。給以膏火。文風振起。初。海門隸通州。爲中縣。江丹後。

人民逃竄。附屬州。而不稱未失。歲入鄉學六名。撥府學四名。而改通州爲直隸。則府學不可得。左山捐資。首事乞廣額。以久遠。壬子七月。水泛溢。流民奔逃無依。左山各與衣蔽之。義陷兩晝夜。民賴以活者。八百餘口。晚年以餘資分三族貧者。各有所遺。

年八十五卒。所著有南遊小草一卷。續草一卷。

嶺南

涓涓微雨滯萍蹤。春色留人意正濃。擲地澗多紋石爛。嵌空山有白雲封。喬柯結草懸牛飯。湍水迴輪代宿春。最是嶺南時序早。山田三月已忙農。

薛

彬字月峯。如阜人。歲貢生。有詩稿一卷。

秋晚

薄暮秋陰淡。亭深日掩關。寒煙衰草外。疎菊亂離間。激澗波光靜。清虛簾幙閒。悠悠憑几坐。漁笛出林灣。

王崇謙

字咸吉。一字鍾能。儀徵諸生。伉爽篤義。工詩古文。嘗陷關城中。積屋如廬。有騎付二護以行。得免。問其名。曰。東門之餓夫也。蓋鍾能嘗于雪中救此二人也。康熙三十八年卒。著鍾能集。

送友之大同

亂山橫塞馬蹏來。滿地邊聲畫角哀。斜日一鞭何處宿。黃沙白雁李陵臺。

掃葉

落葉到秋堆滿逕。呼童掃去當山柴。不須更說烹茶好。且看月光寒一階。

禰生鼓

國賊盜神柄。漢臣慙如醉。年少狂書生。秋空一鷗鷺。丞相筵。搥鼓吏。漁陽三弄何淵淵。賓主聞之皆惘然。鼓聲死。罵黃祖。晴川碧血埋鸚鵡。漳河七十二高邱。漢水茫茫三尺土。江南江北誰千古。

王國鑾

字廷聲。一字淳深。儀徵人。崇禎元孫。乾隆辛酉舉人。卒年二十三。穎悟能文。詩多奇氣。觀子文淵。輯遺稿爲一卷。

雜言

鬱鬱樗櫟材。蕭蕭松柏枝。樗櫟日以茂。松柏恆見披。庸人多厚澤。君子有屯時。蜚生豈不偉。驕王惜無知。少卿旣生降。乃不如武師。達人命可安。因之忘險夷。

平陵東

平陵東。游俠客。騎白馬。控金勒。客少休。爲客言。賣白馬。買烏韃。客有西山數頃田。

詠史

夢感雲龍赤帝生。扶桑曉日散炎精。中原有鹿歸亭長。大澤無蛇阻漢兵。焦土更思三事約。登壇能使一軍驚。歌風絕調還千古。留得高臺壓沛城。

玉勾斜

玉勾斜。風鳴葉。觸懷帶泥燐帶血。忽見金蠶遶墓游。須臾化作雙蝴蝶。

李

字鏡月。興化文定相公四世孫也。居高郵。康熙乙酉舉人。有隸家中其先人事。徵銜卹三年。志復讎。事稍激迫。身罹囹圄中。著易贊楚辭潭影諸篇。奇氣鬱結。旣而悔之。乃爲沖融淒婉之詞。獄解歸家。布衣蔬食。衛吳越諸郡。著敦好堂集。

玉山寺看月

今夜玉山月。清光愛獨看。鐘聲度遠水。佛火照疎欄。檜柏常聽靜。星河倒影寒。金焦一憑眺。白露自溥溥。

孫介菴招偕令兄虞橋、康小范、錢湘靈、諸同社夜集、和湘靈韻。

蜀岡枕漕渠，歌吹沸泉石。良友重盍簪，此夕速嘉客。緬懷人外姿，真氣來冠幘。清醕浮素卮，無事分齊鬲。天漢夜西流，朗月照窗隙。鼎鼎歎浮生，何異歲寒臧。所期德義崇，升沈各自適。離憂念後來，失路悲往昔。當筵且放歌，五白豪呼擲。

登闕里奎文閣望岱

闕里聖人宅，歷代享祀崇。傑閣名奎文，嵯峨峙其中。朝瞰出城郭，四郊宿霧空。我來快登臨，披襟受天風。虬松夾朱戶，棟宇何玲瓏。山色千里來，蒼翠豁心胸。層巒不可辨，髣髴指龜蒙。縹緲雲霄間，極目見岱宗。憶昔軒轅時，玉簡幾登封。我欲奮羽翰，躡足最上峯。此志未得遂，遠望青濛濛。高樓多古懷，川陸有餘恫。周覽金石文，喟然歎飄蓬。

送王立士赴遼左

數載悲歌行路難，生還暫到壁湖干。市門幾見來僧祐，用贈王儉詩事。卓帽今偏重幼安。驅馬榆關邊月白，嘯鷹碣石朔風寒。何時快覩金鷄詔，煙水滄浪把釣竿。

郭嗣齡

字引年，號述堂。江都人。貢生郭光之子。居北湖黃莊橋，與郭九成、欽玉、同師事處士范奎。奎于文無所不

悉。辛卯科舉人。乙未進士。官松江府學教授。雍正癸卯，分校浙江鄉試卷。時文尙駢麗，述堂獨取古雅者，爭元黜抑置第二。至今稱之。所著有述堂文集拾存稿若干卷。時文稿最多，有和潘懷玉論語全篇文一卷。門人熊星若

沛然刻之

題松江童子張延年小言集

八歲小童子。書卷不釋手。更能運妙腕。筋骨競顏柳。字大徑如箕。小亦圓於斗。一心賢長令。延致惟恐後。親見落筆時。驚歎曾未有。復試以小言。錦心而繡口。我習聞阿翁。交遊絕不苟。閉戶著名山。校書窮二酉。不謂陋若子。翁竟許爲友。每服翁詒謀。累積良孔厚。是翁生是子。造化豈其偶。翁年雖子齊。迥異子衰朽。日視兒詩文。芳名不脛走。才調既神奇。器尤堪大受。翁樂在天倫。優游登上壽。

園

昇字冠霞。號鶴翁。泰州人。康熙庚子副榜。官廣文。善教士。士多稱之。嘗遊江寧制撫幕中。贊畫甚當。程

雙橋京兆。以社中老斲輪稱之。晚年目病盲。惟日午就聽作詩。文易米。字大如胡桃。得者寶之。年八十八卒。

春中過蘿園在真州

夜雪作餘寒。朝曦薦微暖。物候本向榮。精舍況非遠。窗虛山翠明。林靜鳥聲緩。坐久閱無人。繁花落空館。

天門舟夜

已決歸期近。愁心翻不眠。水昏初月夜。山響欲風天。客路依漁火。人家認柳煙。新涼醒殘醉。坐整葛衣偏。

黃

寧字履安。號旅菴。如阜諸生。著桐陰山房詩集六卷。旅菴文集四卷。

擬曹子建驚風飄白日一首。即用原韻。

長松不潛澗。彤雲不戀山。忽忽圓象運。常恐秋露繁。良材際休明。何能愛寬閒。獨有棟梁器。偃蹇蓬茅間。悲歌赴流水。徘徊仰遙天。中夜不成寐。攬衣竚幽軒。世事多奇遇。誰實相與憐。在昔家臨淄。箕濮志未全。嚶鳴願所託。縈懷伐木篇。豐城埋寶劍。緊執職其愆。寧虞士室深。積久光昭然。伏櫪思千里。安可負盛年。好期勉令德。聲聞自廣宣。逢時得恆理。聊申慷慨言。

李

樵字漁仲。號拾雲。通州人。

琴川道中

昔年曾到此。今日復南征。水漲青連岸。山高綠過城。桃花仍屋角。小鳥自春聲。顧我辭家客。迢迢萬里情。

玉山

晚入玉山境。行行欲暮天。春風烏柏樹。明月綠荷田。近郭常飛瀑。空亭半積煙。最憐巖穴裏。燈火數家連。

李

楷字憲揆。號端樹。通州庠生。

送金荊門之吳

昨夜隄邊剛折柳。今朝又餞客停裝。迎潮有信豚吹浪。掠水多情燕語樯。人爲別離春易老。江分南北路偏長。澱湖獨立頻回首。點點雲山是白狼。

錢

密字玉立。一字寶晉。泰興人。著有得閒軒詩草一卷。

雨中狼山下農家

兀坐山莊裏，濃濃潤綠柯。池平鷗意適，葉亂雨聲多。酒盡寒猶厲，橋危水漫過。烏啼偏向晚，幽客興如何。

姚士超 字越羣，號荆庵，附貢生，居海門鄉。

暮遊劍山

半天橫劍脊，獨往歷欽畧。寺廢人遊少，山高日落遲。步經峯頂蹇，詩到靜中奇。倦倚孤松立，歸鴉雨不疑。

端木守謙

字梅和，一字梅蕪，高郵人，歲貢生，績學工古文詞，精于詩律，善行草書，王文簡贈詩有云：此才飄落老菰蘆，三十六湖無氣色，卒年七十一。子嗣玉，亦歲薦，孫裔，庠生，著有黎山詩鈔。

寄國子博士孔東塘

衝寒記別竹西亭，多少梅花戀使星。大雅久膺東國望，草堂長護北山靈。三年濬海頭俱白，累世通門眼倍青。昨夜夢隨風雨去，摩挲石鼓聽譚經。

送殷桐高入都

百道珠光瀉彩毫，詞壇應執割牛刀。每攜蠻榼謀良會，慣以奇書下濁醪。紅樹雁聲當夕黯，黃河詩思逼秋高。翩跹入洛名元大，恰好乘槎八月濤。

尋梅

遠香遙被亂雲遮，尋過山巔又水涯。忽轉小橋通一逕，白頭僧對古梅花。

湯希儀字汾陽·號象亭·寶應廬貢生·

歸家口占

乍省生還樂·回頭作客難·迷途都當夢·好事是承歡·落拓言歸晚·清耀試帶寬·幾番操瑟後·揮手惜輕彈·

程

銓·字文衡·江都人·有其旋館詩稿本·藏錢塘汪小海淮家·

大龍湫

百丈雲巖上·神龍噴水飛·四時作風雨·萬斛瀉珠璣·不可形容處·無窮造化機·忘歸亭上坐·誰肯不忘歸·

遊豫章東湖

行坐自徜徉·吟聲遶屋梁·曉煙滋柳色·晨露發荷香·以我一心靜·乘他六月涼·淵明知此意·高臥到羲皇·

雪中渡江飲陽谷上人房

山酒吹香出小槽·燈前痛飲污青袍·夜深夢醒知何處·老鶴一聲山月高·

孫

蘭·字滋九·號柳庭·江都人·居北湖之孫家渡·善書畫·與王武徵·方岐·吳蘭次綺·施偉男·恽·同居湖中·日相倡和·尤精于史學·著有柳庭人紀三十卷·輿地隅說四卷·

探菱

微風輕度角菱香·百里湖田水路長·莫道扁舟過湖去·恐驚三十六鴛鴦·

張家熹

字曉吾·號曙湖·泰興人·官四川保寧府同知·

秋夜保寧寓中作

萬里碧天夜，蛩吟響未休。露涼山得月，風勁竹鳴秋。不作他鄉客，寧知遠道愁。薄鱸今正美，何日放歸舟。

張宏才

字肩亭，號靈泉。秦興人。任江寧府學訓導。

秋日吟

習靜如枯木，懷賢古道遐。五株陶令柳，一逕杜陵花。爛果王丞相，分金鮑叔牙。何當從佛證，入定老僧家。

張屏箴

字寶三，號苞菴。江都人。康熙甲午舉人。一上春官不第，遂卜築城東樊水之上，奉父以居，不求仕進。著有尚古堂文集詩集。

松下丈人石

嶙峋片石絕塵俗，林間玉立如仙人。任侵霜雪都無恙，閱盡繁華只此身。杖履忽驚孤鶴唳，鬚眉欲附老龍鱗。醉時頻下米顛拜，簌簌松花落滿巾。

春陰柬友

春來風雨苦交加，愁絕蓬蒿仲蔚家。茗煮斷鐺聲似蚓，詩題破壁字如鴉。曾無好友銜泥過，幸有疎梅入檻斜。濁酒幾杯酣睡去，空階一任鬧青蛙。

徐寧致小築

南州高士誰能識，小築茆亭傍水開。近日行蹤鷗鷺熟，新來野服芰荷裁。白鹽赤米身堪老，春韭秋菘手

自裁醉後獨吟還獨酌。娟娟涼月照人懷。

秋夕

涼風吹碧雲。暮蟬發清響。野徑少人行。葉積青苔上。

寒夜

草堂霜氣侵。幽壑泉聲遠。夢破月當窗。空林吠寒犬。

贈王少涵

門外蒼葭煙水闊。高人樂此竟忘飢。生來傲骨與誰合。老去孤情只自知。三徑就荒雲共住。一身多病酒能醫。據梧朗誦驚人句。隔浦秋風淅淅吹。

寄莫秩菴

前年握手樊川路。習習涼風入鬢斜。茅店同呼村白酒。溪橋正放水紅花。狂吟醉態憑人笑。好句仙才向我誇。指日遙尋雞黍約。片帆秋水到君家。

晤胥惠上人

高人厭城市。十載潛山林。舊雨重攜手。新詩各寫心。途窮憐白髮。骨鯁重黃金。多少離羣恨。秋風起暮砧。

楊若霖字□□江都生員
著金谷園詩稿

除夕

又一年將去。淒然獨愴神。天餘臘後雪。我是病中人。穩藉梅花夢。潛通竹葉春。幸生歡聚首。長此守清貧。殘春漫興

題齋壁

舉步便多礙。出門何所之。惟餘書繡綉。聊藉藥扶持。竹靜幽禽入。花慵倦蝶知。春光能幾許。又是困人時。抱拙空山愧不才。秋風掃葉淨荒苔。柴門盡日無人到。只有黃衣小蝶來。

嚴子瀨

壯士昆陽解甲回。高情獨向富春來。五陵原樹秋風盡。留得先生一釣臺。

程

字亞韓。號朗亭。後更名世華。康熙間太學生。祖籍歙縣槐塘人。入籍儀徵。遺稿散失。存詩八首。蓋其少作也。

玉鉤斜行

荒煙迷斷城西路。野水寒生蘆葉渚。空臺何處問瓊花。廢閣今朝長禾黍。離離衰草冢纍纍。云是宮人曾葬處。可憐白玉紅梨花。埋入青邱與黃土。月明夜半返香魂。清歌妙舞誰爲主。相思化作楊柳煙。淚痕灑作桃花雨。常時苑裏飛流螢。今日冢上徒星星。爲問歡娛時有幾。撫絃一曲歌難聽。隋家冷地飛霜早。西風葉落無人掃。虞姬猶作美人花。玉鉤痛殺王孫草。美人美人安在哉。杜鵑春樹猶悲哀。至今腸斷隋堤

夢魂去千秋喚不來。

陳夢雲

字軒紀，號曉園，甘泉人，康熙時歲貢生，著有南遊草行世。

五月十四日夜坐即景

空雷失雨勢，草際蚯蚓鳴。纖雲亦已卷，山月當中庭。新浴啜苦茗，絳衣夜涼生。坐臥各自適，悠然無俗情。

錢塘候潮選一

秋江正是觀潮處，不待樵風帆競開。勁弩無人摧海若，赭山山外架山來。

沈

鐸字默安，高郵附貢生，海陽令雅子。

擬謝康樂遊山

結念在靈境，行行陟陁峴。半規遠峯藏，幽光密林現。石磴峭巖巖，泥坡長邐邐。青嶂簪雲衢，丹楓映苔蠟。薜蘿依喬松，蘭若雜枯蘚。幾度鳥鳴幽，一聲猿叫遠。空谷花自開，深溪流任轉。仰見白雲飛，俯窺黃葉卷。頓爾宿塵空，自覺幽情展。我志在邱樊，茲遊樂非淺。

王

昭字錦泉，號且山，通州布衣，博學多

秋日病中感賦

人與秋同瘦，經旬斷客踪。長吟憐蟋蟀，短夢寄芙蓉。泡影原無我，參苓太負儂。恐傷堂上意，珍重舊時容。

王永祺字翼寧·號藝菱·通州人·旦山姪·廖膳生·天資秀穎·沈雲椒·司農·視學江蘇·有國士之目·天亡可惜·

狼山秋眺

寥天一夕秋風起·吹徹層雲千萬里·扶筇直上最高峯·水光山色空濛裏·五山屹屹亘相連·中有狼峯高插天·岷江渤海環磯底·福岫虞山落眼前·眼前景物誰能數·萬頃波濤窮一顧·嘹唳唯聞塞北鴻·蒼茫不辨江南樹·樹底煙嵐紫翠濃·夕陽天外削芙蓉·何常直跨滄溟去·高步蓬山幾萬重·

送友人王浚亭之建寧

論交今五載·風雨數相過·逮作銷魂別·其如遠道何·一樽知己少·萬事客愁多·唯有陽關曲·臨岐強放歌·

舟中感懷

西風吹冷到孤舟·回首青溪幾度遊·人比黃花應更瘦·心如病葉不禁秋·空山尚有梁鴻隱·濁酒難澆阮籍愁·舊業未荒書劍在·此身何處覓封侯·

春日

輕暖輕寒欲暮天·愁心黯黯不成眠·游絲軟胃斜陽樹·芳草低迷古渡煙·隔院松篁聞永晝·小牕風雨惜流年·楊花落盡春無主·聽到啼鴉意惘然·

項夢紀字東畝·號永村·江都貢生·乾隆中年·僑寓嘉興·賀祝氏緣溪莊之半·有紅蕉山館·蘋風竹雨軒·春秋佳日·輒與朋好觴詠其中·遺詩一首·得自嘉興曹學博秉鈞·

題諸草廬宮贊高松對論圖

翰林先生仙而儒。城西久卜宅一區。眼中突兀見古物。老龍鱗鬣蒼髯須。吾家襄毅手所植。勳業遺留遞消息。清廟明堂大雅才。柳雅韓碑太史職。青松之傍老桂香。主人偃仰清秘堂。高柯百尺巢鸞鳳。衆鳥何敢言文章。表裏幽詩夏小正。禮經一補臨川亡。役使馬鄭并賈孔。囊中別具天人糧。讀破琅嬛一萬卷。籤帙孰非流目徧。意少司空三十車。朱墨鉛黃猶滿硯。殷殷誘掖磨末學。收及殘絺與破甌。雕鐫小物句不工。砂石猥煩重煎鍊。時咏嘯子圖八律就正。有時高詠濃香薰。松根爲草垂天雲。有時蛟蛇蟠鬱嶺。松下爲文理退筆。肅然靜對君子容。如射使端御使恭。居鄉先達真足式。林下水邊時一逢。青瑯玕好映黃雪。祝公永堅冰玉節。松根犬吠廝茯苓。綠骨方瞳守元訣。從公請作主客圖。聽公對論味道腴。我非玉皇香案吏。願爲識字耕田夫。

方汝謙

字牧園。一字牧原。通州人。乾隆庚午順天鄉試南元。丁丑會試第。知山東寧陽。館陶。江西高安縣。著有白雲山樵白鵲詩一卷。

秋礎

秋懷

涼風飄木葉。之子歎何深。不共閨中月。難爲塞上心。數行傳遠雁。雙淚落清砧。試向空林聽。淒淒一片音。霜砧淒淒欲寒天。顧我無衣一惘然。鄉思半添蕉雨後。宦情先冷菊花前。閉門種菜悲今日。結客登場憶

往年到底劉平終倔強。逢人羞說辦裝錢。

晚渡黃河

飽挂風帆趁晚晴。黃河秋信水初平。汀鳧沙鷺參差沒。野火漁燈次第生。九折崑崙來積石。半天星斗落孤城。蒼茫極目江南路。蘆荻蕭蕭雁一聲。

史德超字曉香。號夢山。江都生員。久客津門。著有寫心集。客中吟。

秋海棠

身是宣和沒骨仙。夜涼誰宴淡羅前。當年浪逐濃春嫁。回首東風亦枉然。

懷喬渭堂

十幅蒲帆下石頭。漫因霜老不吟秋。六朝剩有荒煙雨。愁入西風十二樓。

張朝樂字子長。號竹軒。如皋人。南坪子。遵川運例捐知縣。歷任湖南龍山武陵湘潭祁陽寧鄉。署武岡州知州。陞江西袁州府知府。調贛州廣信。所至有能聲。乾隆五十九年。卒于官。年四十六。生平好佛。著有佛理篇。

及鵲印堂詩集二十卷。

古意

錢郎無限意。別酒百千巡。郎去深閨寂。愁郎不憶春。錢春無限意。暗淚兩三行。春去芳年改。傷春不待郎。

感夢

栩栩成幽夢。漫漫感故情。不知傷死別。猶自說生平。燈火窗前影。寒潮枕底鳴。覺來悲隔絕。清淚正縱橫。

小齋舊有碧桃一樹。春時綽約可愛。今自南歸。桃已萎絕。感而賦此。

昔年綽約映春陽。此日東風枉斷腸。崔護重來門寂寂。飛瓊一去路茫茫。水晶簾冷山泉咽。雲母屏虛夜月荒。多少風流銷歇盡。齋頭煙景倍蒼涼。

淮海英靈集

繆

樓字曉巖。一字海峯。泰州人。灤南少司寇沅之季子。雍正己酉。欽賜舉人。乾隆壬申。署任太平府左州知州事。地隴交趾。海峯慈以濟郡。頗稱良吏。丙子引年歸。丁酉卒。年八十有二。著有自怡集一卷。

庚子春楚游。早泊西梁山。登最高峯。名曰天門。因賦長歌。

大江逆上波光騰。梁山萬仞盤崢嶸。蒼藤刺棘紛糾縈。飛鳥徑絕難憑陵。攬身碧落峯高撐。天門詖蕩開帝庭。舉手似摸春天星。俯視石磴紅泉清。白雲縹渺逢山僧。自言住此六十齡。山路陡仄無人行。江濤怒薄懸崖鳴。夜深元猿啼杳冥。夷險不一視所經。旅人念此心屏營。爐煙且勿談三生。割然長嘯青天橫。

謁湘山寺

壬申春。余奉命之粵西。三月朔。舟抵全州。念先公證前世爲湘山寺老僧。因偕同年朱景賢往遊焉。出西門里許。卽湘山寺。歷石級百二十層。轉東南。卽無量壽佛塔。內供聖像。係肉身。古銅色。漆地。有活機嵌銀錠。踐之鏗然有聲。由塔入殿。有主人常在。忠孝是佛額。晨後爲御賜藏經樓。按寺爲定南親王重建。僧云湘老和尚。卽佛寶號。種種靈蹟。詳湘山志中。噫。先公歸道山。已二十四年於茲矣。香火前因。山。河綿邈。撫今追昔。愈難爲懷。歸舟燒燭。成七古一章。

春風吹船來全州。卸帆冒雨同清遊。西瓦窰邊日新霽。千林格磔啼斑鳩。路出西門行略約。湘山寺影從天落。百級延緣鼓勇登。苔痕淨綠沾芒屨。祇樹盤挈露蒼榦。斜陽古塔穿叢薄。遊人陟磴凌高空。大筏三千額其間。此寺相傳昔王創。無量佛住宗風暢。煙穗停爐避已遲。天銀著膝鏗難傍。解脫常超風火輪。跣趺依舊毘盧樣。垂去珠眉雕漆光。聳來肉髻金精相。寺僧指點說當年。摩尼寶氣橫空懸。夢中早結三山

緣徑山飛錫塵情捐。食鷄遺跡江流滿。擺落幻網紛糾纏。黑雲夜出森如磐。祥光五色空中霽。禽吟獸吼
崇山巔。霜鋒霍霍飛梯聯。南油百斛膏火煎。馭風游戲真神仙。十二句皆藥指湘山志中事我有片語向僧告。寂照工夫
寓元要。不愛拈花悟去來。只教揮塵談忠孝。憶昔先公證前世。呱呱墮地鍾靈異。暫撇香林五蘊空。曾
摩寶頂三生記。鐘魚舊業已飄煙。卅載猶參清淨禪。搗殘藥臼單居日。嚼盡紅霞欲曙天。心空及第耽幽
趣。挈音擬訪湘山去。樓閣華嚴未許彈。萬頃湖波杳煙霧。先公校士三楚擬避湘山寺以地轄粵西未果旗常勦烈終麟炳。身如
蟬壳從頭省。憑欄往事一沾襟。羈淚灑風簾影。竭來宦海趁浮名。香火因緣話此生。昏鴉拍拍日西墜。
靈山欲別難爲情。冰花凍筍誰參透。花開恰是春時候。前劫搏沙意黯然。山河千古人非舊。

陸

震號種園。興化人。鄭板橋
變之師。有詞集行世。

荅胡修來

故人短札問狂夫。擬買蓑衣作釣徒。肯到清秋來看我。大都船在鯽魚湖。

早起

最畏閒窗暑日侵。綠羅煙徑不嫌深。清晨自理新藤蔓。補滿東南一角陰。

喬

渠字柏鍾。寶
應生員。

擣衣篇

疎樨月上梧桐影。飄然一葉落金井。庭砌颼颼發素飈。淒清漸覺羅幃冷。佳人獨夜起文茵。愁對銀紅淚滿巾。風緊霜寒衣未授。愁心長憶戍邊人。掩泣開奩出縑素。持向瑤階步溥露。沈沈碧落淡星河。隱隱朱欄藹煙霧。含情拂石理容光。攬袂風生散冷香。急杵哀鳴驚宿鳥。飛英錯落滿羅裳。幾番搗罷嬌無力。倦倚紋砧望空碧。一夜征鴻漸向南。花閒隱約銅壺滴。撫纖凝思倍悽然。白嶺烏闌路幾千。來日封題憑寄遠。可能直寄到三邊。

周邦堅字豈麟號玉立揚州人

題張孝烈傳後

賊兵來呼出走。我走父棺誰與守。賊揮刃奮白手。手斷父棺不可剖。賊殺父兒血嘔。父先殉祖兒敢後。賊舉火僕擊肘。僕身爲主爭虎口。賊回心棺徙牖。火滅主斂僕碎首。嗟乎天柱高等培塿。皖水深不盈缶。只有此父此子此僕三人常不朽。

別峰菴訪心耕上人

雲臥一僧冷。門開亂葉黃。非心同槁木。肯住此茆堂。竹外天爲壁。塔前石作牀。鉢盂隨藥洗。猶帶野花香。

管

鎰字司北號還淳江都人。選長子增生。

雨中同程紫含賦

岑寂坐秋雨。迷離一望中。淡煙籠野寺。薄霧暗江楓。愁向人前減。詩偏醉後工。所嗟長作客。離思與君同。

管

緒字□。選次子。諸生。
以子一清貴。贈文林郎。

病中雜詠

苦印高賢履。紛來訪病身。咸憐沈約瘦。還念阮修貧。得食頻分味。將花欲寄春。孤雲依處士。何以慰芳辰。

管

一潮字青來。號對江。鎬之弟六子。乾隆壬午恩貢生。工制藝。著詩集一卷。

廣州許君度以十橋詩見示

春風楊柳酒濃後。寒月梅花夢覺時。誰識橋邊許丁卯。十橋春水賦新詩。

管

一澄字練江。號春林。江都人。鎬子。

僧菴避雨

院宇塵緣淨。到門苦自封。春銷三逕雨。禪試一聲鐘。古杞根生犬。蒼松影化龍。留連生戀意。三宿未從容。

朱

簞字祈年。寶應生員。著有青苔居士集。

友人見示漢上游草

人從漢臯至。詩帶楚江秋。歲月嗟頻改。文章屬遠遊。高風黃鶴笛。香草白蘋洲。我欲浮蘭槳。佳人不可求。

朱

輅字賓旭。寶應人。諸生。承叔父止泉講授。沈潛於宋五子書。歿後遺詩一首。

觀田家刈禾

雞鳴田父起。亟亟收田秔。然燈各啓戶。陽鳥光未生。婦子煮藜莧。羣餐喧豆棚。忽忽結伴去。仰視秋雲橫。連朝天氣佳。場圃築已成。風月晚林下。碌碌村村鳴。

方

嶠字謙山。號可邨。儀徵人。工詩。歿後。孫觀左。輯其遺稿一卷。

秋江漫興

江上誰招楚客魂。騷人幾度憶王孫。無時不探東籬菊。有興還傾北海樽。遠渚疎煙昏樹杪。近洲寒浪洗蘆根。鯉魚風起秋光老。紅蓼重重水一村。

詹履政

字正也。號檄堂。居甘泉西鄉陳家集。精于醫。雅歌彈琴。著檄堂詩鈔一卷。

西樓晚眺

薄暮登高閣。窗開對遠山。餘霞隨日墜。歸鳥拂雲還。遠道秋煙薄。荒村古木閒。一聲清磬響。知出竹菴間。

蔣宣書

字亮懷。號槃樓。甘泉貢生。居邵伯鎮。隨父任卒于鳳陽。年三十三。有槃樓遺草二卷。

舟子歎

赤日不避羲和鞭。黃茅匝地火欲然。一人哀號衆人應。舟子力挽長淮邊。長淮洶湧不得上。主人怒目何睚眦。食君食兮服君使。生死竭蹶爲君前。沙堤石子嚙雙足。血流十指草頭漣。男兒無錢筋骨賤。瀕危誰

復相矜憐。君不見官客揮扇蓬窗下。兀自淋漓汗盈把。

集彭澤句題陶吾廬先生歸去來館圖

先生梁里人。元亮二十七世孫。

素襟不可易。斂翮遑來歸。衆鳥欣有託。孤雲獨無依。於何勞智慧。孰敢慕甘肥。先師有遺訓。千載不相違。方宅十餘畝。不知幾何年。伊人亦云逝。飛鳥相與還。密密堂前柳。依依墟里煙。啓塗情已緬。心在復何言。開荒南野際。息駕歸園居。非爲卜其宅。吾亦愛吾廬。鄰曲時時來。聲名同翳如。養真衡茅下。過此奚所須。在昔關南畝。長吟掩柴門。行行至斯里。矍矍遠人村。久在樊籠裏。而無車馬喧。託身已得所。寧向俗中言。余

漢

字天章。號楷園。又號我齋。如阜人。善飲酒。五斗不亂。家貧。不受人餽遺。賣文爲活。年六十。恬然以終。著有楷園文集。我齋存草。四宜軒詩。隱香亭詞。若干卷。鄉人稱爲文介先生。

與友話舊

故交翻喜作新知。爾我垂髫髻總絲。可記廣陵同逆旅。梅花筵弄倚歌時。

潘遇莘

字樹耕。寶應人。乾隆丙辰。舉博學宏詞。是歲中式。順天舉人。官廣德州學正。吳江縣教諭。著有樂軒集。

友人自廣陵病歸。見過卽別。

不見相如繫所思。廣陵病似茂陵時。最憐臥看平山月。卻喜歸吟草閣詩。過我軒車難久駐。從茲花逕與誰期。年來亦是傷秋者。且共臨岐酒一卮。

潘遇龍

字臥南。寶應增生。工韻語。佳句有夢裏故鄉僧白髮。燈前細雨客黃昏。烟和日抱孤村暖。水接天流一艇來。

贈采茶人

春煙春雨共霏霏，杖履翛然向翠微。
直入前山蘿薜去，行逢幾處鷓鴣飛。
閒將野夢留僧寺，時染輕嵐上草衣。
我品中冷泉味在，迢遙雲外望君歸。

歲暮柬石公

頭白蒲團鎮日閒，渾忘歲月更闌珊。
苔生滿逕人無跡，水定空潭自閉關。
雪裏疎鐘寒出寺，雲邊凍雀早歸山。
此中領盡禪滋味，拈得梅花一解顏。

潘夢舉

字樂夫，寶應人，雍正乙卯拔貢，乾隆丙辰順天舉人。

秋月

秋月清如此，讀書開草堂。
一身疑坐水，滿地欲飛霜。
病鶴依人瘦，哀鴻叫夜長。
匣中看劍在，隱躍接蟾光。

潘夢龍

字禹門，寶應人，乙卯江南丙辰順天，兩中副榜，著有芋齋堂集。

旅夜寄內

一燈孤館軫鄉思，凍雨簷牙滴自遲。
莫怪今宵無夢到，漏殘猶是未眠時。

月夜渡江

江上濤如雪，江頭月似霜。
一帆風瑟瑟，百里夜茫茫。
遠岸漁燈出，高城畫角長。
空濛天水合，無處不秋光。

潘

恕字書思·夢龍
子·生員·

僻居

僻居人不到。未夕掩柴門。古屋秋陽冷。荒庭怪石蹲。年華嗟逝水。心事付深樽。短榻孤燈裏。愁吟欲斷魂。

春情

睡餘拭卻淚闌干。簾下笙篴獨自彈。燕子乍來花又謝。一庭風雨送朝寒。

少年行

當筵歌罷拂吳鉤。笑擲金錢下酒樓。日暮灞陵原上獵。風沙飛滿黑貂裘。

姜會照

字昌胤·號南園·一字許麓·乾隆辛酉副榜·任安徽
蕪湖縣教諭·四川奉節縣知縣·著南園詩鈔一卷·

由富陽至金華舟中作

歷歷沙禽語。蕭蕭野岸秋。一時孤櫂發。相對遠山愁。烏柏飛霜葉。白蘋香晚洲。括蒼遙極目。擊汰聽吳謳。

范

捷字越三·
通州人·

弔古塚

野棠幽淚濕荒墳。杜宇殘紅共苦辛。見說壺中猶惜別。焉知地下不傷春。牛羊滿目無青草。風雨銷魂有路人。寒食年年應夜哭。粥香餚白不需脣。

辛酉長至。從弟安國。以羔裘相餽。作此簡謝。

江縣冰霜酷似刀。伶仃七尺裹綈袍。殘年作客空皮骨。異地逢君賤羽毛。披後大疑今日暖。解時情比北風高。平生不盡無衣淚。輕易何曾託素毫。

甲子長至。送鄭祁生。吳錦冕。兼寄家弟迦陵。

天涯杯酒盡交期。佳節翻令惜別遲。九地雷霆初動日。滿船風雪涸寒時。尊前不禁思鄉淚。袖裏剛餘憶弟詩。欲伴仙舟知未得。報君空有鬢絲垂。

顧

雲字伯顧。號北野。如皋人。乾隆甲子舉人。甲戌中書。歷任吏部文選考功司員外郎。著有貯清軒怡園詩集。

送蔣辛奮同年假歸。卽次施靜波韻。

驅車來皇都。躑躅曾何羨。幾番紅杏雨。不入櫻桃宴。偶爾騁雕蟲。一官等匏繫。紅藥朝繾綣。薇露宵蔥蒨。驅車復驅車。玉勒嘶芳甸。知君懷不寐。清樽及秋餞。南園有嘉魚。無事臨淵羨。時逢春秋佳。板輿花前宴。萊衣五色鮮。愛日良足戀。兩行玉樹森。臨風復青蒨。小人有老母。迢迢隔遠甸。佇立重徘徊。含情爲君餞。題秋水懷人圖。

林木轉蒼翠。蕭然生暮烟。一江界南北。千里夢幽燕。黃葉濃還淡。晴雲斷復連。忽先山一角。幽意藉茲傳。

王

濤字又山。江都人。性樸雅。有古誼。善鐵筆。工畫。

佛座蓮菊

籬畔秋深菊正開。何須金粟見如來。綠雲高擁蓮花座。自有空香散滿臺。

王

汴字淡泉。寶應人。乾隆丁卯舉人。官貴州印江知縣。

懷懷歌

我心匪蓮。食蓮心苦。我心似蓮。匪蓮之故。不如食藥。食藥苦口。苦口猶可說。苦心不可割。

出門示內

惆悵復惆悵。中懷與爾論。遠行辭膝下。特爾奉吾親。奉姑如奉母。事事宜服勤。勿以歸寧故。輕離鞠我人。況我出門去。庶務叢爾身。一子尙孩幼。良楮亦有因。閑家豈獨我。內助古所云。卽事軫離憂。升車悵行塵。迢迢薊門道。霧霧雨雪繁。歸還定何日。惜別當茲晨。努力供爾職。以慰遊子魂。

顧人驥

號仲隗。一字茨山。乾隆戊辰進士。官福建上杭知縣。著有息齋存稿。

古柏山莊

杜鵑啼徧草堂春。徙倚花前憶故人。兩晉名流多曠達。三唐詩格最清新。當年壇坫空灰劫。死後兒孫獨苦辛。賸有一株孤柏在。霜皮繡作老龍鱗。

張

鏡字丹崖。號護園。甘泉諸生。少居北湖。孤介絕俗。年五十餘不婚娶。好苦吟。不喜存稿。

和淨因妹秋夜讀書

磊落襟懷只自如。清宵快讀古人書。人間波浪隨消長。足底風雲任捲舒。黃菊秋霜三逕冷。金樽夜月一窗疏。袖中本有如椽筆。不與文園賦子虛。

春雪

何事冬歸冷不歸。餘寒尙作舊時威。應愁凍碎梅花骨。零亂窗前和雪飛。

高

翔字鳳岡。號鳳堂。甘泉人。玉桂之子。善畫。工六分書。

冬日同老匏。陋夫藏山。近人雪門。容齋。過古水上人。鐵佛禪院。予冒雨先歸。用老匏止宿原韻。清冬得晴。能幾許。惜景招朋。過山下。空林疎磬。引入寺。黃葉成堆。碧苔古。山僧掛客。絕世情。手把殘經。自叅補。荒廚無以作供給。粗糲可炊。芋可煮。從來靜者耽禪味。食蜜中邊。辨甘苦。老狂得句。最清新。珠璣錯落。振林府。浩歌澎湃。海氣昏。俄頃變滅。雲縷縷。西風觸物。生怒號。颼颼水立山飛。雨。君也彌勒。與同龕。而我歸心似強弩。衝泥忽誦放翁詩。生平怕路如怕虎。閉門覓句。重回燈。市聲已息。動街鼓。匡牀自在。擁寒衾。臥聽兒讀妻織履。

李德音

字孔昭。江都慶生。

莫愁湖與張竹軒、黃秋平、焦里堂、李冠三、羅養齋、李濱石同賦。

疎疎秋色是愁城。莫使愁同湖水平。若是盧家無少婦。夕陽芳草不關情。

焦士緯

字石堂。江都人。

乳鴨

淺淺春波蘸夕陽。閒看乳鴨鬪嬌黃。遙分極浦初生月。淡染高樓昨夜香。弓軟竹枝休射取。舟輕蓮葉好操將。浣紗兒女休相妒。空伴鴛鴦占水鄉。

焦士紀

字五斗。江都人。

題鶴沙小隱圖

青苔門巷草堂幽。風捲疎簾自上鉤。小院清寒虛受月。老人情事怯吟秋。莫辭茗芋酬今夕。每對姮娥感舊遊。況是黃花過九日。尙開三徑待羊求。

鍾

信字季遠。號蕪原。江都人。久客漢上。篤于親戚故舊。所作詩多不留。藥其孫懷。與元幼同學。博學通經史。輯其祖遺詩。僅得二首。

漢陽客舍送吳對田歸溧水

飄泊東南際。蕭蕭兩白頭。輸君早歸去。悵我獨淹留。風笛咽離席。江花送客舟。高樓渺烟水。何處暮帆收。

題程香南

此君偶儻姿。平生耽誦讀。晨夕手一編。寢饋欣連屋。有時喜趫然。足音來空谷。賞析樂朋儕。便便孝先腹。

風帘漾茶烟。睡味恣清熟。塵事總不知。安受讀書福。嗟我倦遊人。此生空碌碌。

李 筠

字松友。如皋生員。著有蠅集偶鐫一卷。

插田行

大麥乾枯小麥黃。杜句入廩得雨肯奔忙。三三五五頭戴笠。腳踏水天分早秧。女轉牛車兒打鼓。頃刻撒手成千行。新婦竈下炊已熟。趨田饁餉提壺漿。去秋一旱兩閱月。所獲僅足輸官倉。今年穎粟猶未卜。可能幸免田萊荒。或者田租轉歲運。得令擊壤歌陶唐。農家衣食易豐吝。不見官差樂已極。

賈成祖

字肇先。號曉樓。高郵歲貢生。著曉樓詩鈔一卷。

兩頭纖纖

兩頭纖纖菱角支。半白半黑盤中棋。膈膈膊膊然豆莢。磊磊落落蠶結絲。

雪後村郊雜題

遙羅輕烟宛宛通。幾家雪屋隱幽叢。凍雲枯木荒寒甚。置我倪迂小幅中。

賈田祖

字禮耕。號禮耕。檢討兆鳳次子。高郵廩生。通經學。尤深左氏春秋。伶立名節。詩文皆有蒼勁之氣。與同邑王給諫念孫。李進士惺相友善。晚年尤肆力于詩。故紙零落。靡有存者。

擬謝康樂遊山

層巒曉開豁。循幽臨石門。晨光晃虛壁。清露晞高原。嶺嶽雲磴滑。曠往天風翻。險塗詎忘戒。佳遊信所敦。

晴峯亂蒼翠。飛泉響潺湲。巖壑念迴歷。蘿葛輕獨捫。天秋露刻秀。林籟吹崩奔。遠音流高鴻。驚枝起棲猿。徂節易爲感。幽思渺難吞。遷化誰能爾。永矢歸邱樊。

擬儲光義詠耕

春水流陂塘。湖上山已綠。野老曳犁耕。餉歸炊黍熟。藝植各已了。滄浪濯我足。夕陽下棹阪。提漿款鄰曲。言笑何欣欣。暘雨愜所欲。生平逢太平。桑麻地相屬。誅茅願堅牢。呼兒買新犢。

三先生詠

李先生必恆

徘徊北郭門。文獻悲蒼舊。入雲鸞鶴聲。一逝不可復。清風滿枌榆。詩名垂宇宙。華簪一相望。誰似斯人壽。魚川已荒蕪。高祠森俎豆。先生崇祀鄉賢。

殷先生蟠

樊桐去已久。詩帙垂元亭。有如下仙步。玉佩鳴泠泠。又似羣籟寂。山水留空青。我欲往從之。遺琴收湘靈。終古蘊奇秀。希聲誰與聆。先生遺集未梓。

孫先生漢孫

我懷沛村翁。英風淬千莫。白首受一官。朝端立孤鶉。抗疏指淮黃。直聲振京洛。此老竟齋志。歸與慕巖壑。

事往二十年。湯湯走蛟鱷。

節婦行。

乾隆壬戌秋大水。余戚子陳祖赴部試。溺死。妻葉。年二十。苦節歷窮餓。非人所堪。作詩表之。

歲在壬戌支祈醕。陳生骨葬龍蠃腹。其時節婦方少年。春陽忽睹冰霜墜。三間屋破穿朝日。日光照見眼中血。輕塵弱草隨嚴飈。湘竹成斑心似鐵。淒涼賣盡嫁時襦。長日無餐冬裂膚。祇完趙氏連城璧。敢道程嬰六尺孤。之生之死矢靡悔。願采幽芳告中壘。當年一痛能崩城。此是蘇卿十九載。

車螯

枯桑號天風。凌兢暮寒作。倉卒謀清歡。餽餽媚小酌。誰與策勳最。車螯實高格。名雖隸介族。品亦列海錯。外圓乃象乾。中虛利用剝。唇吻若受絨。眉目初次鑿。背釜渾缺鋸。如輪微露廓。土種既異蚶。水化又非雀。曰車寧類渠。名螯詎止瘡。魁陸較之文。姑勞視此薄。牡蠣笑硯礪。瓦甃陋雕琢。或云蛤中魁。嘉名汝何作。擲取從灘洲。狼藉市江郭。尤堪充庖廚。極宜佐杯杓。禦冬虛旨蓄。視夏勝肉臠。壁肌吳孃烹。決口甕子斫。受刀儼鉤距。轉釜悅炮烙。薑辛味堪投。椒馨氣彌灼。調宜共菹乳。澆不藉杏酪。咀之豈搖牙。挹彼或揚勺。羣吞勢縱橫。流啜聲澗澗。雲腴珣柱比。霜膏鮭肝若。傾盤罄汁滓。列饌謝脾臆。小鮮信云美。適口製亦各。漬生可噉油。燂熟更宜燂。拌米煮青精。糝麵煎酥餠。醬或寄桃花。蛤蚌名桃花。土人多以車螯代之。與黃雀

同時

爲用兼魚熊。厥功豈瓦礫。徵號爾雅遺。鈔方腳經略。獨憐王介甫。瑣瑣重其殼。

團維塢字尺威。號問山。儋人。學博昇子。

秋晚聞蟬

已近清秋後。還聽樹杪蟬。何人賞孤調。惟爾脫塵緣。疎柳斷橋外。西風黃葉邊。驚寒時一響。悄絕晚涼天。過散花峽

湘雲淦淦起遙空。柔櫓輕催過峽中。碎滴烏篷梅子雨。涼吹白拾麥花風。松髯倒偃佛門閉。螺髻曲旋樵徑通。孤負三春半行路。去來真似雪泥鴻。

村夏雲溪書屋題壁四首之一

半生行腳慣幽探。夢遶燕南復楚南。晚落怒濤帆帶雨。晴登孤嶂袖飛嵐。聞雞曾學當窻舞。捫蝨誰容入座談。堪笑逢山親掃石。留題終覺姓名慙。

秋宿蕪湖南寺書壁

牆角離離落豆莢。苦吟秋感鬢成絲。青杉獨裏登樓夜。紅袖難逢拂壁時。犀首事荒終好飲。虎頭命定不妨癡。齋堂課擊梅花磬。喚醒鄉愁祇自知。

王彥林字樹田。甘泉生員。任浙江秀水縣典史。著有離蟲草。

人日平山堂探梅

一年此日最宜晴。知有疎梅郭外迎。買櫓不妨如葉小。呼朋直欲與花盟。數枝纔放春何淺。十里忘歸月漸明。攬勝寧輸香雪海。深盃莫負再遊情。

冷泉亭納涼

幽鬱開仙境。虛亭納水光。千峯皆作雨。六月亦生涼。松杪茶煙細。籬邊荷味香。坐深忘溽暑。一枕卽羲皇。

員

燉

字周南。本三原人。寄商籍爲江都諸生。著有振雪庵詩集四卷。

白沙翠竹江村舊。屬余家別業。更歷數主。至鄭氏始增臺榭。多名流題詠。近歸香林。遂成江北名構。今春香林邀同臯齋漁山采庸扁舟一過。采庸亦嘗讀書其中。猶識守門老人。感今話昔。漫賦一章。一舟扶僂到江村。拂袖還題舊板門。石磴無人留馬跡。花陰有路覓苔痕。遞經數姓經營在。剩有諸家翰墨存。賓主幾重憑浩歎。漫愁往事老司閭。

再客杭州

無端又作浙西遊。俯仰升沈百感投。計拙依劉慚入幕。情牽懷謝怕登樓。幾多舊雨歸黃壤。

謂玉几。襟三太鴻。秋岳

亮。

依州。

十區。

縣。

剩有晨星總白頭。

謂魏登。敬身。天

山。

心潭。

幼聞。

猶是昔年之字水。偏今屈曲惹人愁。

第八妹琳字道頤。能詩工畫。著有齋餘集。古渡詩評。適岑山程存仁窮餓而死。今于書肆書角上。見其常用二小印。則妹之手蹟散佚多矣。感賦。

妹以飢寒死。詩同畫筆空。無端兩印記。乃見亂書中。敗葉驚心動。殘泥淚眼紅。何從尋慧業。斷月與零風。

張

芳字佩芝。江都人。乾隆庚寅科舉人。

虹橋修禊

山岡野徑路遙通。一片笙歌東復東。曲檻晚迷花嶼雨。小樓春颭酒旗風。香生綺陌飛空翠。烟鎖長橋入冥濛。卽目韶光無限好。此時身在畫圖中。

李

惇字成裕。號孝臣。高郵人。乾隆己亥舉人。庚子進士。年五十一卒。天性孝友醇粹。于學無所不覓。與貢君稻孫。王君懷祖。汪君容甫。劉君端臨。討論古制。精深淵奧。爲學者所宗。所著書惟羣經識小一種成集。其子紫培。錄成清藥。將刻之。詩不多作。紫培輯爲安愚堂詩鈔一卷。

黃山

一山橫郭北。古寺鎮金關。葉脫晴雲度。風涼高鳥還。寒鐘出林樾。落日下溪灣。孤塔峻嶒在。天梯未可攀。

和賈丈禮耕六十初度

雄文直欲逼蒼旻。何事飄萍寄此身。陳亮才原難用世。梁鴻熱本不因人。修能見說窮彌篤。氣味應知老更辛。漫道空齋長寂歷。酒杯詩卷自相親。

讀王右軍傳

唐宗馬上復詩書。瀛洲仙侶羅石渠。萬幾清暇弄豪楮。飛白灑翰凌庾褚。尤於典午愛右軍。制書褒美辭

津津義之傳贊·龍蟠鳳翥擬筆勢·儼若萬代惟此人·韓公逼人何咄咄·眼中腕底皆奇絕·俗書姿媚語凌突·似與先皇相齟齬·嗚呼六書今所詳·點畫乖古聲音亡·矮紙臨池極毛髮·家義戶獻誰稱良·文章優孟亦如此·振衰八代何人矣·可憐鼯鼠不盈腹·天祿校書蒼頡哭·

憶賈丈禮耕

聽雨東邨舍·連牀共曉雞·禮耕曾止予田舍數日·滄浪歌孺子·山石和昌黎·此境渺何處·舊踪行已迷·素心今又歿·回首只淒淒·

吳

字晉陽·號木邨·高郵人·乾隆己亥副榜·

自題書屋

午橋何處得·卜築小山房·積雪含空牖·留雲補斷牆·一椽差免俗·三徑不嫌荒·擊鉢爲吟社·傾樽亦醉鄉·

吳

字克非·號劍泉·高郵廬生·以孝友聞·

遊支硎山尋寒泉

躡屐支硎山·爲覓支公跡·斷碣臥蒼蘼·篆籀苔紛藉·裊裊松花香·冥冥鐘磬隔·何處寒泉水·清泠洗幽石·

短歌行集昌谷句

天迷迷·門幽幽·風吹孤篷起·今夕·山上秋霜花·草上大如錢·少年安得常少年·憑仗東風好相送·挈舟海

上尋神仙

吳 鎬 字景梅，號鶴巖，克非弟，高郵生員。

秦淮河

憶昔佳麗地，春風媚春漣。聞今鳴咽水，寒柳生寒烟。蘭泣露欲滴，燕去空啼鵲。蕭條舊時月，清光爲誰圓。

吳 鎬 字念劬，號藹圃，克非季弟，高郵廩生，乾隆壬子舉人，博聞強記，作文有奇氣，爲胡希呂高望、鐵樵庵保兩侍郎所知，乙卯春闈未捷，及秋病歸，丙辰卒。

臨春閣

不上臨春閣，安入景陽井。蛾眉業傾城，霜鏐還報類。莫笑江東殘，興亡如逐影。轉瞬玉句斜，楊白秋風冷。

高氏產

御史首擲長安路，舉朝側目不敢顧。六姻造戍無生還，高產傳宣重加賦。賦加愈重賦愈輕，罵聲不作作歡聲。御史一死且不避，吾輩何噴一斛稅。

吳晉汾 字修原，號管潛，克非季子，幼穎異，力學，卒年二十六。

古意

至人遊八極，上士契元真。恐者甘醲醢，妻子而功名。夏蟲不見霜，秋草不識冰。所拘在目前，安知天地心。

水月山房

勞勞情未已。聊復愛禪棲。雲淨月侵閣。漁歸燈滿溪。荻迷千里雁。寒壓一邨雞。東去湖千路。孤篷入夜低。

李義周

字廷瞻。揚州人。

同人過淨慧菴訪秋雨阻

欲問秋消息。濕雲沈遠空。未容拖蠟屐。且喜勸荷筒。暑送三庚雨。涼催一葉風。山公虛赴約。惆悵倚簾櫳。

唐

字淡邨。揚州布衣。詩有逸才。年三十餘。得狂疾溺死。

仲冬薄暮登彈指閣

閣迴倚寒碧。憑闌延夕曛。野烟晴戀郭。古木冷留雲。詩自空中得。鐘宜高處聞。諸天如咫尺。裊裊妙香熏。

雞籠山

百尺青峯江上山。偶來屐齒破苔斑。夕陽影裏無秋草。嚙盡霜根戰馬閒。

野眺

搖落忽如此。秋原堪斷魂。青山衰草路。黃葉夕陽邨。烟柳隔揚子。風帆下海門。江南稻粱熟。陣陣塞鴻翻。

與吳省齋夜話

憶昔城南會。於今已十年。雲山春載酒。花月夜揮絃。腸斷方三拜。神傷負半千。看君偏未老。自誦遠遊篇。

仇

字槐堂。本臨潼人。寄商籍。爲棟江都諸生。著梅山詩藥一卷。

春日

春意闌干綠漸齊。蕉黃一卷試新題。鵲聲露冷愁難訴。蝶影風柔夢易迷。屋矮不妨花礙帽。天晴何事絮沾泥。尋芳不少鄰翁約。日日江頭竹杖攜。

羅應箕 字南望，號鶴風，儀徵廬生。

人日

榮閣春星兩度移。靈辰雅集話心期。榮迎新霽初舒甲。柳怯輕寒未裊絲。客夢半銷殘醉後。鄉情多在對山時。懸知一室團圓坐。悵望三河亦我思。

陳佩霞 字丹舒，號綺園，如皋人。蚤卒，著有綺園詩葉一卷。

縫裳

鍼線膠箱篋。年年逼歲闌。代人忙遣嫁。儘巧與裁純。火宿灰初盡。鐘催宵漸殘。挑燈呵十指。霜落剪刀寒。

葉

英 本名永福，字英多，江都諸生。後舉舉子業。易名英，號霜林。性情開曠，不拘禮節。好歐陽通書，得宋拓葉片紙，每日必臨。雖塵巾，亦于稠人中摹寫不輟。善柳敬亭口技。每談古人遺事，坐客輒歎感泣。然寓商賈客，慕而來者，必被呵忤，衣破敝，或贈新衣，不數日即以易酒。不家宿。二十年往來朋友家，遠近久暫，人不能測。舊與元相善，嘉慶二年六月卒。

甘棠逢呂坦齋

我尋北郭秋。遠入甘棠路。獨立何蒼茫。忽與故人遇。恍如意無著。忽向奇書寓。攜手僧寮中。蒼然日將暮。

新月沈寒潭。殘陽下高樹。風沙轉孤蓬。木葉泣危露。撫時良有感。知己愜懷素。君本老書師。應識荒寒趣。

冬日友人招遊上方寺

冷落人三兩。冬晴入北山。霜高平野闊。雲住遠峯閑。徙倚寒松下。徘徊落葉間。生涯莊叟識。談笑不知還。

